

(355)

- 5.001.01a ábodhy agníḥ samídhā jánānām práti dhenúm ivāyatīm uśásam |
5.001.01c yahvā iva prá vayām ujjíhānāḥ prá bhānāvah sistrate nākam ácha ||
5.001.02a ábodhi hótā yajáthāya devān ūrdhvó agníḥ sumánāḥ prátár asthāt |
5.001.02c sámiddhasya rúsad adarśi pájo mahān devás támaso nír amoci ||
5.001.03a yád īm gaṇásya raśanām ájīgaḥ súcir ankte súcibhir góbhīr agníḥ |
5.001.03c ád dáksiṇā yujyate vājayānty uttānām ūrdhvó adhayaj juhúbhiḥ ||
5.001.04a agním áchā devayatām mánāmsi cákṣūṃṣīva sūrye sám caranti |
5.001.04c yád īm súvāte uśásā vírūpe śvetó vājī jāyate ágre áhnām ||
5.001.05a jāniṣṭa hí jényo ágre áhnām hitó hitéṣv aruśó váneṣu |
5.001.05c dáme-dame sapṭá rátnā dádhāno 'gnír hótā ní śasādā yājīyān ||
5.001.06a agnír hótā ny āsīdad yājīyān upásthe mātúḥ surabhā uloké |
5.001.06c yúvā kavīḥ puruniṣṭhá ṛtāvā dhartā kṛṣṭīnām utá mádhya iddháh ||
5.001.07a prá nú tyām vípram adhvaréṣu sādhum agním hótāram īlate námobhiḥ |
5.001.07c á yás tatāna ródasī ṛténa nítyam mrjanti vājīnam ghrténa ||
5.001.08a mārjalyò mrjyate své dāmūnāḥ kavipraśastó átithiḥ śívó naḥ |
5.001.08c sahasraśṛṅgo vṛṣabhás tádojā víśvām agne sáhasā prásy anyān ||
5.001.09a prá sadyó agne áty eṣy anyān āvír yásmai cārutamo babhūtha |
5.001.09c īlényo vapuṣyò vibhāvā priyó viśām átithir mānuṣīṇām ||
5.001.10a túbhyam bharanti kṣitáyo yaviṣṭha balím agne ántita ótá dūrāt |
5.001.10c á bhāndiṣṭhasya sumatīm cikiddhi bṛhát te agne máhi śárma bhadram ||
5.001.11a ádyá rátham bhānumo bhānumántam ágne tíṣṭha yajatébhiḥ sámantam |
5.001.11c vidvān pathīnām urv āntárikṣam éhá devān havirádyāya vakṣi ||
5.001.12a ávocāma kavāye médhyāya váco vandāru vṛṣabhāya vṛṣṇe |
5.001.12c gáviṣṭhiro námasā stómam agnaú divīva rukmám uruvyāñcam áśret ||

(356)

- 5.002.01a kumārám mātā yuvatīḥ sámubdham gúhā bibharti ná dadāti pitré |
5.002.01c ánikam asya ná mináj jánāsaḥ puráh paśyanti níhitam arataú ||
5.002.02a kám etām tvām yuvate kumārám péṣī bibharṣi máhiṣī jajāna |
5.002.02c pūrvír hí gárbhaḥ śarádo vavárdhāpaśyam jātām yád ásūta mātā ||
5.002.03a híraṇyadantaḥ súcivarnam ārát kṣétrād apaśyam áyudhā mímānam |
5.002.03c dadāno asmā amṛtam vipṛkvat kím mām anindrāḥ kṛṇavann anukthāḥ ||
5.002.04a kṣétrād apaśyam sanutás cārantam sumád yūthām ná purú sóbhamānam |
5.002.04c ná tá agrbhrann ájaniṣṭa hí śáh páliknīr íd yuvatáyo bhavanti ||
5.002.05a ké me maryakām ví yavanta góbhīr ná yéśām gopā áraṇás cid āsa |
5.002.05c yá īm jagṛbhūr áva té srjantv ájāti paśvá úpa naś cikitvān ||
5.002.06a vasām rájānam vasatīm jánānām árātayo ní dadhur máryeṣu |
5.002.06c bráhmāny átrer áva tám srjantu ninditáro níndyāso bhavantu ||
5.002.07a śúnaś cic chépaḥ níditam sahasrād yūpād amuñco ásamīṣṭa hí śáh |
5.002.07c evāsmád agne ví mumugdhi pásān hótás cikitva ihá tú niśádyā ||
5.002.08a hṛṇīyāmāno ápa hí mád áfyeḥ prá me devānām vratapā uvāca |
5.002.08c índro vidvām ānu hí tvā cacákṣa ténāhām agne ánuśista ágām ||

- 5.002.09a ví jyótiṣā bṛhatā bhāty agnīr āvīr víśvāni kṛṇute mahitvā |
 5.002.09c prādevīr māyāḥ saḥate durévāḥ śísīte śṛṅge rākṣase vinīkṣe ||
 5.002.10a utā svānāso divi śantv agnēs tigmāyudhā rākṣase hāntavā u |
 5.002.10c máde cid asya prá rujanti bhāmā ná varante paribādho ádevīḥ ||
 5.002.11a etām te stómaṃ tuvijāta vípro ráthaṃ ná dhīraḥ svápā atakṣam |
 5.002.11c yádíd agne práti tvám deva háryāḥ svàrvatīr apá enā jayema ||
 5.002.12a tuvigrīvo vṛṣabhó vāvṛdhānò 'śatrv àryāḥ sám ajāti védaḥ |
 5.002.12c ítīmám agním amṛtā avocan barhīṣmate mánave śárma yaṃsad
 dhaviṣmate mánave śárma yaṃsat ||

(358)

- 5.003.01a tvám agne váruṇo jáyase yát tvám mitró bhavasi yát sámiddhaḥ |
 5.003.01c tvé víśve sahasas putra devās tvám índro dāsúṣe mártyaḥ ||
 5.003.02a tvám aryamā bhavasi yát kanínām náma svadhāvan gúhyam bibharṣi |
 5.003.02c añjānti mitráṃ súdhitam ná góbhir yád dámpatī sámanasā kṛṇóṣi ||
 5.003.03a táva śriyé marúto marjayanta rúdra yát te jánima cáru citráṃ |
 5.003.03c padám yád víṣnor upamám nidhāyi téna pāsi gúhyaṃ náma gónām ||
 5.003.04a táva śriyā sudṛśo deva devāḥ purū dádhanā amṛtam sapanta |
 5.003.04c hótāram agním mánuṣo ní ṣedur daśasyánta usíjah śámsam āyóḥ ||
 5.003.05a ná tvád dhótá pūrvo agne yájīyān ná kāvyaīḥ paró asti svadhāvaḥ |
 5.003.05c viśás ca yásyā átithir bhāvāsi sá yajñéna vanavad deva mártān ||
 5.003.06a vayám agne vanuyāma tvótā vasūyávo havīṣā búdhya mānāḥ |
 5.003.06c vayám samaryé vidátheṣv áhnām vayám rāyā sahasas putra mártān ||
 5.003.07a yó na ágo abhy éno bhárāty ádhíd aghám aghásamse dadhāta |
 5.003.07c jahí cikitvo abhíśastim etām ágne yó no marcáyati dvayéna ||
 5.003.08a tvám asyā vyúṣi deva pūrve dūtām kṛṇvāná ayajanta havyaīḥ |
 5.003.08c samsthé yád agna íyase rayīnām devó mártair vásubhir idhyámānāḥ ||
 5.003.09a áva sprdhi pitāram yódhi vidván putró yás te sahasaḥ sūna ūhé |
 5.003.09c kadā cikitvo abhí cakṣase nó 'gne kadām ṛtacíd yātayāse ||
 5.003.10a bhūri náma vándamāno dadhāti pitā vaso yádi táj joṣáyāse |
 5.003.10c kuvíd devásya sáhasā cakānāḥ sumnám agnīr vanate vāvṛdhānāḥ ||
 5.003.11a tvám aṅgá jaritāram yaviṣṭha víśvāny agne duritāti parṣi |
 5.003.11c stenā adrṣran ripávo jánāsó 'jñātaketa vṛjinā abhūvan ||
 5.003.12a imé yāmāsas tvadríg abhūvan vásave vā tát íd ágo avāci |
 5.003.12c nāhāyám agnīr abhíśastaye no ná rīṣate vāvṛdhānāḥ párá dāt ||

(359)

- 5.004.01a tvám agne vásupatim vásūnām abhí prá mande adhvaréṣu rájan |
 5.004.01c tváyā vājam vājayánto jayemābhí śyāma pṛtsutīr mártyanām ||
 5.004.02a havyvāḥ agnīr ajāraḥ pitā no vibhūr vibhāvā sudṛśiko asmé |
 5.004.02c sugārhapatyāḥ sám íṣo didīhy asmadryāk sám mimīhi śrāvāmsi ||
 5.004.03a viśám kavīm viśpátim mánuṣīnām súcim pāvakām ghr̥tápṛṣṭham agním |
 5.004.03c ní hótāram vísvavidam dadhidhve sá devésu vanate vāvṛvāni ||

- 5.004.04a juṣásvāgna īlayā sajóṣā yátamāno raśmībhiḥ sūryasya |
 5.004.04c juṣásva naḥ samídham jātaveda ā ca devān havirádyāya vakṣi ||
 5.004.05a jūṣto dāmūnā átithir duroṇá imám no yajñám úpa yāhi vidvān |
 5.004.05c víśvā agne abhiyújo vihátyā śatrūyatām ā bharā bhójanāni ||
 5.004.06a vadhéna dásyum prá hí cātáyasva váyaḥ kṛṇvānás tanvā svāyai |
 5.004.06c píparṣi yát sahasas putra devánt só agne pāhi nṛtama vāje asmān ||
 5.004.07a vayám te agna ukthaír vidhema vayám havyaíḥ pāvaka bhadrásoce |
 5.004.07c asmé rayím víśvāvāraṃ sám invāsmé víśvāni dráviṇāni dhehi ||
 5.004.08a asmākam agne adhvarám juṣasva sáhasaḥ sūno triśadhastha havyaám |
 5.004.08c vayám devéṣu sukṛtaḥ syāma śármaṇā nas trivárūthena pāhi ||
 5.004.09a víśvāni no durgáhā jātavedaḥ síndhum ná nāvā duritāti parṣi |
 5.004.09c ágne atrivān námasā grṇānò 'smākam bodhy avitā tanūnām ||
 5.004.10a yás tvā hṛdā kíriṇā mányamānó 'martyam mártyo jóhavími |
 5.004.10c jātavedo yáso asmásu dhehi prajábhír agne amṛtatvám ásyām ||
 5.004.11a yásmai tvám sukṛte jātaveda ulokám agne kṛṇávaḥ syonám |
 5.004.11c aśvínam sá putrínam vírávantam gómantam rayím naśate svastí ||

(359)

- 5.005.01a súsamiddhāya śocíṣe ghṛtám tīvrám juhótana |
 5.005.01c agnáye jātavedase ||
 5.005.02a nárāsāmsaḥ suṣūdatīmám yajñám ádābhyaḥ |
 5.005.02c kavír hí mádhuhastyah ||
 5.005.03a īlitó agna ā vahéndram citrám ihá priyám |
 5.005.03c sukhaí ráthebhir ūtáye ||
 5.005.04a ūṇamradā ví prathasvābhy àrkā anūṣata |
 5.005.04c bhāvā naḥ śubhra sātáye ||
 5.005.05a dévīr dvāro ví śrayadhvam supṛāyaṇā na ūtáye |
 5.005.05c prá-pṛa yajñám pṛṇītana ||
 5.005.06a supṛátike vayovṛdhā yahvī ṛtásya mātārā |
 5.005.06c doṣām uṣásam īmahe ||
 5.005.07a vātasya pátmann īlitā daívyā hótārā mánuṣaḥ |
 5.005.07c imám no yajñám ā gatam ||
 5.005.08a īlā sárasvatī mahí tísro devīr mayobhúvaḥ |
 5.005.08b barhíḥ sīdantv asrídhaḥ ||
 5.005.09a śívás tvaṣṭar ihā gahi vibhúḥ póṣa utá tmánā |
 5.005.09c yajñé-yajñe na úd ava ||
 5.005.10a yátra véttha vanaspate devānām gúhyā námāni |
 5.005.10c táttra havyaáni gāmaya ||
 5.005.11a svāhāgnáye váruṇāya svāhéndrāya marúbhyaḥ |
 5.005.11c svāhā devébhyo havíḥ ||

(360)

- 5.006.01a agnīm tám manye yó vásur ástaṃ yám yánti dhenávaḥ |

- 5.006.01c ástam árvanta āśávó 'stam nítyāso vājína iṣam stotṛbhya ā bhara ||
5.006.02a só agnír yó vásur grṇé sám yám āyānti dhenávaḥ |
5.006.02c sám árvanto raghudrúvaḥ sám sujātāsaḥ sūrāya iṣam stotṛbhya ā bhara ||
5.006.03a agnír hí vājínaṃ viśé dādāti víśvácarṣaṇiḥ |
5.006.03c agní rāyé svābhúvaṃ sá prītó yāti vāryam iṣam stotṛbhya ā bhara ||
5.006.04a ā te agna idhīmaḥ dyumántaṃ devājāram |
5.006.04c yád dha syá te pánīyasī samíd dīdáyati dyávīṣam stotṛbhya ā bhara ||
5.006.05a ā te agna ṛcā havīḥ súkrasya śociṣas pate |
5.006.05c súscandra dásma víspate hávyavāt túbhyaṃ hūyata iṣam stotṛbhya ā bhara ||
5.006.06a pró tyé agnáyo 'gnīsu víśvam puṣyanti vāryam |
5.006.06c té hinvire tá invire tá iṣanyanty ānuśág iṣam stotṛbhya ā bhara ||
5.006.07a táva tyé agne arcáyo máhi vrādhanta vājínaḥ |
5.006.07c yé pátvabhiḥ śaphánāṃ vrajá bhuránta gónāṃ iṣam stotṛbhya ā bhara ||
5.006.08a návā no agna ā bhara stotṛbhyaḥ suksītīr iṣaḥ |
5.006.08c té syāma yá ānṛcús tvādūtāso dáme-dama iṣam stotṛbhya ā bhara ||
5.006.09a ubhé suścandra sarpīšo dārvī śrīṇīṣa āsāni |
5.006.09c utó na út pupūryā ukthéṣu śavasas pata iṣam stotṛbhya ā bhara ||
5.006.10a evāṃ agnīm ajuryamur gīrbhír yajñébhīr ānuśák |
5.006.10c dādhad asmé suvīryam utá tyád āśvāsavyam iṣam stotṛbhya ā bhara ||

(361)

- 5.007.01a sákhāyaḥ sám vaḥ samyāñcam iṣam stómaṃ cāgnáye |
5.007.01c vārṣiṣṭhāya kṣitínām ūrjó náptre sáhasvate ||
5.007.02a kútrā cid yásya sámṛtau raṇvā náro nṛśádane |
5.007.02c árhantaś cid yám indhaté samjanáyanti jantávaḥ ||
5.007.03a sám yád iṣó vánāmahe sám havýā mánuṣāṇām |
5.007.03c utá dyumnásya śávasa ṛtásya raśmím ā dade ||
5.007.04a sá smā kṛṇoti ketúm ā náктаṃ cid dūrā ā saté |
5.007.04c pāvakó yád vánaspátīn prá smā mināty ajāraḥ ||
5.007.05a áva sma yásya véṣaṇe svédam pathíṣu júhvati |
5.007.05c abhīm áha svájenyam bhúmā pṛṣṭhéva ruruḥ ||
5.007.06a yám mártyaḥ puruṣpṛhaṃ vidád víśvasya dhāyase |
5.007.06c prá svādanam pitúnām ástatātīm cid āyáve ||
5.007.07a sá hí śmā dhánvākṣitaṃ dātā ná dāty ā paśúḥ |
5.007.07c híriśmaśruḥ súcidann ṛbhúr ánibhrṣṭataviṣiḥ ||
5.007.08a súciḥ śma yásmā atrivát prá svádhitīva ríyate |
5.007.08c suśúr asūta mātā krāṇā yád ānaśé bhágam ||
5.007.09a ā yás te sarpirāsuté 'gne sám ásti dhāyase |
5.007.09c aīṣu dyumnám utá śráva ā cittám mártyeṣu dhāḥ ||
5.007.10a íti cin manyúm adhríjas tvādātam ā paśúm dade |
5.007.10c ád agne aprṇató 'triḥ sāsahyād dásyūn iṣāḥ sāsahyān nṛn ||

(362)

- 5.008.01a tvām agna ṛtāyāvaḥ sām īdhire pratnām pratnāsa ūtāye sahaskrta |
 5.008.01c puruścandrām yajatām viśvādhāyasam dāmūnasam grhāpatim vāreṇyam ||
 5.008.02a tvām agne átithim pūrvyām viśaḥ śociśkeṣam grhāpatim ní ṣedire |
 5.008.02c brhátketum pururūpam dhanaspṛtam suśármāṇam svávasam jaradvīṣam ||
 5.008.03a tvām agne mānuṣīr īlate víšo hotrāvīdam vívicim ratnadhātamam |
 5.008.03c gūhā sántam subhaga viśvādarśatam tuviṣvaṇāsam suyājam ghṛtaśrīyam ||
 5.008.04a tvām agne dharnasīm viśvādhā vayām gīrbhír grṇānto námasópa sedima |
 5.008.04c sá no juṣasva samidhānó aṅgiro devó mártasya yaśásā sudītībhiḥ ||
 5.008.05a tvām agne pururūpo viśé-viśé váyo dadhāsi pratnāthā puruṣtuta |
 5.008.05c purūṇy ánnā sáhasā ví rājasi tvīṣiḥ sá te titviṣāṇāsya nādhīṣe ||
 5.008.06a tvām agne samidhānām yaviṣṭhya devā dūtām cakrire havyaavāhanam |
 5.008.06c urujráyasam ghṛtāyonim āhutam tveśam cákṣur dadhire codayānmati ||
 5.008.07a tvām agne pradīva āhutam ghṛtaīḥ sumnāyāvaḥ suśamīdhā sām īdhire |
 5.008.07c sá vāvṛdhāná ośadhībhīr ukṣitò 'bhí jrāyāṃsi pāṛthivā ví tiṣṭhase ||

(363)

- 5.009.01a tvām agne havīsmanto devām mártāsa īlate |
 5.009.01c mánye tvā jātávedasam sá havyā vakṣy ānuṣák ||
 5.009.02a agnīr hótā dāsvataḥ kṣāyasya vṛktābarhiṣaḥ |
 5.009.02c sām yajñāsaś cáranti yām sām vājāsaḥ śravasyāvaḥ ||
 5.009.03a utá sma yām śísuṃ yathā návam jāniṣṭārānī |
 5.009.03c dhartāram mānuṣīṇām viśām agnīm svadhvarām ||
 5.009.04a utá sma durgrbhīyase putró ná hvāryāṇām |
 5.009.04c purū yó dágdhāsi vānāgne paśúr ná yāvase ||
 5.009.05a ádha sma yāsyārcāyaḥ samyák samyānti dhūmīnaḥ |
 5.009.05c yád īm áha tritó divy úpa dhmāteva dhāmati śísīte dhmātārī yathā ||
 5.009.06a távāhām agna ūtībhīr mitrásya ca práśastibhiḥ |
 5.009.06c dveṣoyúto ná duritā turyāma mártāyānām ||
 5.009.07a tám no agne abhí náro rayīm sahasva á bhara |
 5.009.07c sá kṣepayat sá poṣayad bhúvad vājasya sātāya utaídhi pṛtsú no vṛdhé ||

(364)

- 5.010.01a ágna ójiṣṭham á bhara dyumnām asmábhyam adhrigo |
 5.010.01c prá no rāyā páriṇasā rátsi vājāya pánthām ||
 5.010.02a tvām no agne adbhuta krátvā dáksasya mamhānā |
 5.010.02c tvé asuryām āruhat krāṇā mitró ná yajñīyaḥ ||
 5.010.03a tvām no agna eṣām gáyam puṣṭim ca vardhaya |
 5.010.03c yé stómebhiḥ prá sūrāyo náro maghāny ānaśúḥ ||
 5.010.04a yé agne candra te gíraḥ śumbhānty áśvarādhasaḥ |
 5.010.04c śúśmebhiḥ śuśmīno náro divás cid yeśam brhát sukīrtír bódhati tmānā ||
 5.010.05a táva tyé agne arcāyo bhrājanto yanti dhrṣṇuyā |
 5.010.05c párijmāno ná vidyútaḥ svāno rátho ná vājayúḥ ||
 5.010.06a ní no agna ūtāve sabādhasaś ca rātāve |

5.010.06a na no agne aṅgira stutá stávāna ā bhara |

5.010.06c asmākāsaś ca sūrāyo vísvā āśās tarīśāni ||

5.010.07a tvām no agne aṅgira stutá stávāna ā bhara |

5.010.07c hótar vibhvāsāham rayīm stotṛbhya stávase ca na utáidhi pṛtsú no vṛdhé ||

(365)

5.011.01a jánasya gopā ajaniṣṭa jágrvir agníḥ sudákṣaḥ suvitāya návyase |

5.011.01c ghr̥tápratīko bṛhatā divispṛśā dyumád ví bhāti bharatébhyaḥ sūciḥ ||

5.011.02a yajñāsya ketúm prathamám puróhitam agním náras trīsadhasthé sám īdhire |

5.011.02c índreṇa devaiḥ sarátham sá barhīṣi sídan ní hótā yajáthāya sukrátuḥ ||

5.011.03a ásammṛṣṭo jāyase mātṛóḥ sūcir mandráḥ kavír úd atīṣṭho vivásvataḥ |

5.011.03c ghr̥téna tvāvardhayann agna āhuta dhūmās te ketúr abhavad diví śritáḥ ||

5.011.04a agnír no yajñám úpa vetu sādhyágnīm náro ví bharante gr̥hé-gr̥he |

5.011.04c agnír dūtó abhavad dhavyavāhano 'gnīm vṛṇāná vṛṇate kavíkratum ||

5.011.05a túbhyedám agne mádhumattamaḥ vácas túbhyam manīṣā iyám astu sám hṛdé |

5.011.05c tvām gíraḥ síndhum ivāvānīr mahír ā pṛṇanti śávasā vardháyanti ca ||

5.011.06a tvām agne aṅgirasó gúhā hitám ánv avindañ chíśriyāṇām váne-vane |

5.011.06c sá jāyase mathyámānaḥ sáho mahát tvām āhuḥ sáhasas putrám aṅgiraḥ ||

(366)

5.012.01a prágnāye bṛhaté yajñíyāya ṛtāsya vīṣṇe ásurāya mánma |

5.012.01c ghr̥tám ná yajñā āsyā súpūtam gíram bhare vīṣabhāya pratícim ||

5.012.02a ṛtám cikivta ṛtám íc cikiddhy ṛtāsya dhārā ánu tṛndhi pūrvīḥ |

5.012.02c nāhám yātúm sáhasā ná dvayéna ṛtám sapāmy aruśásya vīṣṇaḥ ||

5.012.03a káyā no agna ṛtáyann ṛténa bhúvo návedā ucáthasya návyah |

5.012.03c védā me devá ṛtupá ṛtūnām nāhám pátiḥ sanitúr asyá rāyāḥ ||

5.012.04a ké te agne ripáve bándhanāsaḥ ké pāyávaḥ saniṣanta dyumántaḥ |

5.012.04c ké dhāsím agne ánṛtasya pānti ká āsato vácasaḥ santi gopāḥ ||

5.012.05a sákhāyas te víṣuṇā agna eté śívāsaḥ sánto áśivā abhūvan |

5.012.05c ádhūrṣata svayám eté vácobhir rjūyaté vṛjināni bruvántaḥ ||

5.012.06a yás te agne námasā yajñám ítta ṛtám sá pāty aruśásya vīṣṇaḥ |

5.012.06c tāsya kṣáyah pṛthúr ā sādúr etu prasársrāṇasya náhuṣasya śéśaḥ ||

(367)

5.013.01a árcantas tvā havāmahé 'rcantaḥ sám idhīmahi |

5.013.01c ágne árcanta útāye ||

5.013.02a agné stómam manāmahe sidhrám adyá divispṛśaḥ |

5.013.02c devásya draviṇasyávaḥ ||

5.013.03a agnír juṣata no gíro hótā yó mānuṣeṣv ā |

5.013.03c sá yakṣad daívyam jánam ||

5.013.04a tvām agne sapráthā asi júṣṭo hótā váreṇyah |

5.013.04c tváyā yajñám ví tanvate ||

5.013.05a tvām agne vāiasátamam vínrā vardhanti sístutam |

- 5.013.05c sá no rāsva suvīryam ||
5.013.06a ágne nemír arāṁ̐ iva devāṃs tvám paribhūr asi |
5.013.06c ā rādhasā citrām ṛñjase ||

(368)

- 5.014.01a agnīm stómena bodhaya samidhānó ámartyam |
5.014.01c havyā devēṣu no dadhat ||
5.014.02a tám adhvarēṣv īlate devám mártā ámartyam |
5.014.02c yájiṣṭham mánuṣe jáne ||
5.014.03a tám hí śásvanta īlate srucā devám ghr̥taścútā |
5.014.03c agnīm havyāya vólhave ||
5.014.04a agnír jātó arocata ghnán dásyūñ jyótiṣā támaḥ |
5.014.04c ávindah gā apāḥ svàḥ ||
5.014.05a agnīm īlēnyam kavīm ghr̥tápr̥ṣṭham saparyata |
5.014.05c vétu me śr̥ṇavad dhávam ||
5.014.06a agnīm ghr̥téna vāvṛdhu stómebhir viśvácarṣaṇim |
5.014.06c svādhībhir vacasyúbhiḥ ||

(369)

- 5.015.01a prá vedhāse kavāye védyāya gíram bhare yaśāse pūrvyāya |
5.015.01c ghr̥táprasatto ásurah susévo rāyó dhartā dharúṇo vásvo agnīḥ ||
5.015.02a ṛténa ṛtām dharúṇam dhārayanta yajñāsya śáké paramé vyòman |
5.015.02c divó dhárman dharúṇe sedúṣo nīñ jātaír ájātāṁ̐ abhí yé nanakṣúḥ ||
5.015.03a añhoyúvas tanvās tanvate ví váyo mahád duṣṭáram pūrvyāya |
5.015.03c sá samvátó návajātas tuturyāt sínhām ná kruddhām abhítaḥ pári ṣṭhuḥ ||
5.015.04a mātéva yád bhārāse paprathānó jánam-janam dhāyase cákṣase ca |
5.015.04c váyo-vayo jarase yád dádhānaḥ pári tmánā víṣurūpo jigāsi ||
5.015.05a vājo nú te śávasas pātv ántam urúm dógham dharúṇam deva rāyāḥ |
5.015.05c padām ná tāyúr gúhā dádhāno mahó rāyé citáyann átrim aspaḥ ||

(370)

- 5.016.01a bṛhád váyo hí bhānávé 'rcā devāyāgnāye |
5.016.01c yám mitrām ná práśastibhir mártāso dadhiré purāḥ ||
5.016.02a sá hí dyúbhir jánānām hótā dáksasya bāhvóḥ |
5.016.02c ví havyám agnír ānuśág bhágo ná vāram ṛṇvati ||
5.016.03a asyá stóme maghónaḥ sakhyé vṛddhásociṣaḥ |
5.016.03c vísvā yásmin tuviṣváṇi sám aryé súṣmam ādadhúḥ ||
5.016.04a ádhā hy àgna eṣām suvīryasya mamhánā |
5.016.04c tám íd yahvām ná ródasī pári śrávo babhūvatuḥ ||
5.016.05a nú na éhi vāryam ágne gṛṇāná ā bhara |
5.016.05c yé vayām yé ca sūrāyaḥ svastí dhāmahe sácotaídhi pṛtsú no vṛdhé ||

(371)

- 5.017.01a á yajñair deva mártya itthá távyāmsam ūtāye |
5.017.01c agnīm kṛtē svadhvaré pūrūr īlitāvase ||
5.017.02a ásyā hí svāyaśastara āsā vidharman mányase |
5.017.02c tám nākaṃ citrásoçiṣam mandrām paró manīṣáyā ||
5.017.03a asyá vāsá u arcīṣā yá áyukta tujá girá |
5.017.03c divó ná yásya rétasā bṛhác chócanty arcáyah ||
5.017.04a asyá krátvā vícetaso dasmāsya vásu rátha á |
5.017.04c ádhā víśvāsu hávyo 'gnír vikṣú prá śasyate ||
5.017.05a nú na íd dhí vāryam āsā sacanta sūrāyah |
5.017.05c ūrjo napād abhīṣṭaye pāhí śagdhí svastāya utaidhi pṛtsú no vṛdhé ||

(372)

- 5.018.01a prātár agnīḥ purupriyó viśá stavetātithiḥ |
5.018.01c víśvāni yó ámartyo havyá márteṣu rányati ||
5.018.02a dvitāya mṛktāvāhase svāsya dáksasya maṃhánā |
5.018.02c índuṃ sá dhatta ānuṣák stotá cit te amartya ||
5.018.03a tám vo dīrghāyuśociṣam girá huve maghónām |
5.018.03c áriṣṭo yéṣāṃ rátho vy áśvadāvann íyate ||
5.018.04a citrá vā yéṣu dīdhitir āsānn ukthá pānti yé |
5.018.04b stīrṇām barhīḥ svārnare śrávāmsi dadhire pári ||
5.018.05a yé me pañcāśātaṃ dadúr áśvānāṃ sadhástuti |
5.018.05b dyumád agne máhi śrávo bṛhát kṛdhi maghónām nṛvād amṛta nṛṇām ||

(373)

- 5.019.01a abhy àvasthāḥ prá jāyante prá vavrér vavrís ciketa |
5.019.01c upásthe mātúr ví caṣṭe ||
5.019.02a juhuré ví citáyantó 'nimiṣam nṛmṇām pānti |
5.019.02c á dṛḷhām púram vivíṣuḥ ||
5.019.03a á śvaitreyāsya jantávo dyumád vardhanta kṛṣṭáyah |
5.019.03b niṣkágṛivo bṛhádúktha enā mádhvā ná vājayúḥ ||
5.019.04a priyām dugdhām ná kāmiam ájāmi jāmyóḥ sácā |
5.019.04c gharmó ná vājajaṭharó 'dabdhaḥ śásvato dábhaḥ ||
5.019.05a krīḷan no raśma á bhuvah sám bhásmanā vāyúnā vévidānah |
5.019.05b tá asya san dhrṣájo ná tigmāḥ súsaṃsitā vakṣyò vakṣaṇesthāḥ ||

(374)

- 5.020.01a yám agne vājasātama tvām cin mányase rayím |
5.020.01c tám no gīrbhīḥ śravāyyam devatrā panayā yújam ||
5.020.02a yé agne néráyanti te vṛddhá ugrāsya śávasah |

- 5.020.02b ápa dvéšo ápa hváro 'nyávratasya saścire ||
 5.020.03a hótāraṃ tvā vṛṇīmahé 'gne dáksasya sādhanam |
 5.020.03b yajñéṣu pūrvyāṃ girā prāyasvanto havāmahe ||
 5.020.04a itthā yáthā ta utáye sáhasāvan divé-dive |
 5.020.04b rāyá ṛtāya sukrato góbhiḥ ṣyāma sadhamādo vīraīḥ syāma sadhamādaḥ ||

(375)

- 5.021.01a manuṣvát tvā ní dhīmahi manuṣvát sám idhīmahi |
 5.021.01c ágne manuṣvād aṅgiro devān devayaté yaja ||
 5.021.02a tvāṃ hí mānuṣe jáné 'gne súpṛīta idhyāse |
 5.021.02c srúcas tvā yanty ānuṣák sújāta sárpirāsute ||
 5.021.03a tvāṃ víśve sajóṣaso devāso dūtām akrata |
 5.021.03b saparyántas tvā kave yajñéṣu devám īlate ||
 5.021.04a devám vo devayajyáyāgním īlīta mártyaḥ |
 5.021.04b sámiddhaḥ śukra dīdihy ṛtāsyā yónim āsadaḥ sasāsya yónim āsadaḥ ||

(376)

- 5.022.01a prá víśvasāmann atrivád árcā pāvakásociṣe |
 5.022.01c yó adhvaréṣv īḍyo hótā mandrátamo viśí ||
 5.022.02a ny āgním jātávedasaṃ dádhātā devám ṛtvíjam |
 5.022.02c prá yajñá etv ānuṣág adyā devávyacastamaḥ ||
 5.022.03a cikitvínmanasaṃ tvā devám mártāsa utáye |
 5.022.03c váreṇyasya té 'vasa iyānāso amanmahi ||
 5.022.04a ágne cikiddhy àsyá na idám vácaḥ sahasya |
 5.022.04c tám tvā suśipra dampate stómair vardhanty átrayo gīrbhīḥ śumbhanty átrayaḥ ||

(377)

- 5.023.01a ágne sáhantam ā bhara dyumnásya prāsáhā rayím |
 5.023.01c víśvā yás carṣaṇír abhy āsā vājeṣu sāsáhat ||
 5.023.02a tám agne pṛtanāśāhaṃ rayím sahasva ā bhara |
 5.023.02b tvāṃ hí satyó ádbhuto dātā vājasya gómataḥ ||
 5.023.03a víśve hí tvā sajóṣaso jánāso vṛktābarhiṣaḥ |
 5.023.03c hótāraṃ sádmasu priyāṃ vyánti vāryā purú ||
 5.023.04a sá hí śmā víśvacarṣaṇir abhímāti sáho dadhé |
 5.023.04b ágna eṣú kṣāyeṣv ā reván naḥ śukra dīdihy dyumát pāvaka dīdihy ||

(378)

- 5.024.01a ágne tvāṃ no ántama utá trātā śívó bhavā varūthyāḥ |
 5.024.02a vásur agnír vásuśravā áchā nakṣi dyumáttamaṃ rayím dāḥ ||
 5.024.03a sá no bodhi śrudhí hávam uruṣyā ṇo aghāyatāḥ samasmāt |
 5.024.04a tám tvā śociṣṭha dīdivaḥ sumnāya nūnám īmahe sákhibhyaḥ ||

(379)

- 5.025.01a áchā vo agnīm ávase devāṃ gāsi sá no vásuḥ |
5.025.01c rāsat putrá ṛṣūṇām ṛtāvā paṛsati dviṣāḥ ||
5.025.02a sá hí satyó yám pūrve cid devāsaś cid yám īdhiré |
5.025.02c hótāram mandrájihvam ít sudītíbhīr vibhāvasum ||
5.025.03a sá no dhītí váriṣṭhayā śrēṣṭhayā ca sumatyā |
5.025.03c ágne rāyó didīhi naḥ suvṛktíbhīr vareṇya ||
5.025.04a agnír devēṣu rājatya agnír márteṣv āvisán |
5.025.04c agnír no havvavāhano 'gnīm dhībhiḥ saparyata ||
5.025.05a agnís tuvísravastamaṃ tuvíbrahmāṇam uttamám |
5.025.05c atúrtam śrāvayátpatim putráṃ dadāti dāsúṣe ||
5.025.06a agnír dadāti sátpatim sāsāha yó yudhá nībhiḥ |
5.025.06c agnír átyaṃ raghuṣyádaṃ jétāram áparājitam ||
5.025.07a yád váhiṣṭham tād agnáye bṛhád arca vibhāvaso |
5.025.07c máhiṣṭva tvád rayís tvád vājā úd īrate ||
5.025.08a táva dyumānto arcáyo grāvevocyate bṛhát |
5.025.08c utó te tanyatúr yathā svānó arta tmánā divāḥ ||
5.025.09a evāñ agnīm vasūyávaḥ sahasānām vavandima |
5.025.09c sá no víśvā áti dviṣāḥ pársan nāvéva sukrátuḥ ||

(380)

- 5.026.01a ágne pāvaka rocíṣā mandráyā deva jihváyā |
5.026.01c á devān vakṣi yákṣi ca ||
5.026.02a tám tvā ghṛtasnav īmahe cítrabhāno svardṛśam |
5.026.02c devāñ á vītáye vaha ||
5.026.03a vītíhotraṃ tvā kave dyumāntaṃ sám idhīmahi |
5.026.03c ágne bṛhántam adhvaré ||
5.026.04a ágne víśvebhīr á gahi devébhīr havvadádaye |
5.026.04b hótāraṃ tvā vṛṇīmahe ||
5.026.05a yájamānāya sunvatá ágne suvíryaṃ vaha |
5.026.05c devaír á satsi barhíṣi ||
5.026.06a samidhānáḥ sahasrajid ágne dhármāṇi puṣyasi |
5.026.06c devānām dutá ukthyāḥ ||
5.026.07a ny àgnīm jātávedasaṃ hotravāhaṃ yáviṣṭhyam |
5.026.07c dádhatā devám ṛtvíjam ||
5.026.08a prá yajñá etv ānuṣág adyā devávyacastamaḥ |
5.026.08c strñitá barhír āsáde ||
5.026.09a édám marúto aśvínā mitráḥ sīdantu váruṇaḥ |
5.026.09c devāsaḥ sárveyā víśá ||

(381)

- 5.027.01a ánasvantā sátpatir māmāhe me gāvā cētiṣṭho ásuṛo maghónaḥ |
 5.027.01c traivṛṣṇó agne daśábhiḥ sahásrair vaiśvánara tryàruṇaś ciketa ||
 5.027.02a yó me śatā ca vimśatīm ca gónāṃ hārī ca yukṭā sudhúrā dádāti |
 5.027.02c vaiśvánara sūṣṭuto vāvṛdhānó 'gne yácha tryàruṇāya śárma ||
 5.027.03a evā te agne sumatīm cakānó náviṣṭhāya navamám trasádasyuḥ |
 5.027.03c yó me gíras tuvijátāsyā pūrvír yukṭénābhí tryàruṇo gṛṇāti ||
 5.027.04a yó ma íti pravócaty áśvamedhāya sūrāye |
 5.027.04b dádad ṛcā sanīm yaté dādan medhām ṛtāyaté ||
 5.027.05a yásya mā paruṣāḥ śatám uddharśáyanty ukṣāṇaḥ |
 5.027.05c áśvamedhasya dānāḥ sómā iva tryāśirah ||
 5.027.06a índrāgnī śatadāvny áśvamedhe súvīryam |
 5.027.06c kṣatrām dhārayatam bṛhád diví sūryam ivājáram ||

(382)

- 5.028.01a sámiddho agnír diví śócír áśret pratyāññ uśásam urviyá ví bhāti |
 5.028.01c éti prácī viśvāvārā námobhir devāṃ ṁlānā havíṣā ghṛtācī ||
 5.028.02a samidhyámāno amṛtasya rājasi havíṣ kṛṇvántaṃ sacase svastāye |
 5.028.02c vísvaṃ sá dhatte dráviṇaṃ yám ínvasy ātithyám agne ní ca dhatta ít puráh ||
 5.028.03a ágne sárdha mahaté saúbhagāya táva dyumnāny uttamāni santu |
 5.028.03c sám jāspatyám suyámam á kṛṇuṣva śatrūyatām abhí tiṣṭhā máhāṃsi ||
 5.028.04a sámiddhasya prámahasó 'gne vānde táva śrīyam |
 5.028.04c vṛṣabhó dyumnávāṃ asi sám adhvarēṣv idhyase ||
 5.028.05a sámiddho agna āhuta devān yakṣi svadhvara |
 5.028.05c tvám hí havyvāḥl ási ||
 5.028.06a á juhotā duvasyátāgnīm prayaty àdhvaré |
 5.028.06c vṛṇīdhvám havyvāhanam ||

(383)

- 5.029.01a try àryamā mánuṣo devátātā trí rocanā diviyá dhārayanta |
 5.029.01c árcanti tvā marútaḥ pūtádaḥśās tvám eṣām řṣir índrāsi dhīraḥ ||
 5.029.02a ánu yád ĩm marúto mandasānám árcann índram papivāṃsaṃ sutásya |
 5.029.02c ádatta vájram abhí yád áhim hánn apó yahvír asṛjat sártavā u ||
 5.029.03a utá brahmāṇo maruto me asyéndraḥ sómasya sūṣutasya peyāḥ |
 5.029.03c tát dhí havyamánuṣe gá ávindad áhann áhim papivāṃś índro asya ||
 5.029.04a ád ródasī vitarám ví śkabhāyat saṃvivyānás cid bhivyáse mṛgám kaḥ |
 5.029.04c jígartim índro apajárgurāṇaḥ práti śvasántam áva dānavám han ||
 5.029.05a ádha krátvā maghavan túbhyaṃ devā ánu víśve adaduḥ somapéyam |
 5.029.05c yát sūryasya harítaḥ pátantīḥ puráh satír úparā étaše káh ||
 5.029.06a náva yád asya navatīm ca bhogān sākám vājreṇa maghāvā vivṛścát |
 5.029.06c árcantíndram marútaḥ sadhásthe traíṣṭubhena vácasā bādhata dyām ||
 5.029.07a sákḥā sákhye apacat túyam agnír asyá krátvā mahiṣá trí śatāni |
 5.029.07c trí sākám índro mánuṣaḥ sárāṃsi sutám píbad vṛtrahátyāya sómam ||
 5.029.08a trí vác chatā mahisānām ágho mās trí sárāṃsi maghāvā somyāpāḥ |

- 5.029.08c kārāṃ ná víśve ahvanta devā bhāram índrāya yád áhim jaghāna ||
5.029.09a usānā yāt sahasyaçr áyātaṃ grhām indra jūjuvānébhir ásvaiḥ |
5.029.09c vanvāno átra sarátham yayātha kútsena devaír ávanor ha súṣṇam ||
5.029.10a prányác cakráṃ avṛhaḥ sūryasya kútsāyānyád várivo yátave 'kaḥ |
5.029.10c anāso dásyūṃr amṛṇo vadhéna ní duryoná āvṛṇaṃ mṛdhrāvācaḥ ||
5.029.11a stómāsas tvā gaúrivīter avardhann árandhayo vaidathināya píprum |
5.029.11c á tvām rjísivā sakhyāya cakre pácan paktír ápibaḥ sómam asya ||
5.029.12a návagvāsaḥ sutásomāsa índraṃ dásagvāso abhy ārcanty arkaíḥ |
5.029.12c gávyaṃ cid ūrvám apidhānavantaṃ tám cin nárah śásamānā ápa vran ||
5.029.13a kathó nú te pári carāṇi vidván vīryā maghavan yá cakártha |
5.029.13c yá co nú návyā kṛṇávaḥ śaviṣṭha préd u tá te vidátheṣu bravāma ||
5.029.14a etá víśvā cakrvāṃ indra bhūry áparīto janúṣā vīryāna |
5.029.14c yá cin nú vajrin kṛṇávo dadhrṣvān ná te vartá táviṣyā asti tásyāḥ ||
5.029.15a índra bráhma kriyámāṇā juṣasva yá te śaviṣṭha návyā ákarma |
5.029.15c vástreva bhadrá súkṛtā vasūyú rátham ná dhīrah svápā atakṣam ||

(384)

- 5.030.01a kvà syá vīrāḥ kó apaśyad índraṃ sukháratham íyamānaṃ háribhyām |
5.030.01c yó rāyá vajrī sutásomam ichán tád óko gántā puruhūtá ūtí ||
5.030.02a ávācacakṣam padám asya sasvár ugrám nidhātúr án v āyam ichán |
5.030.02c áprcham anyāṃ utá té ma āhur índraṃ náro bubudhāná aśema ||
5.030.03a prá nú vayám suté yá te kṛtānīndra bravāma yāni no jújoṣaḥ |
5.030.03b védad ávidvāñ chṛṇávac ca vidván váhate 'yám maghāvā sárvasenaḥ ||
5.030.04a sthirám mánaś cakṛṣe jātá indra vēśíd éko yudháye bhūyasaś cit |
5.030.04b áśmānaṃ cic chávasā didyuto ví vidó gávām ūrvám usríyāṇām ||
5.030.05a paró yát tvám paramá ājāniṣṭhāḥ parāvátī srútyaṃ náma bíbhrat |
5.030.05c átaś cid índrād abhayanta devā víśvā apó ájayad dāsápatnīḥ ||
5.030.06a túbhyéd eté marútaḥ suśévā ārcanty arkám sunvánty ándhaḥ |
5.030.06c áhim ohānám apá āśáyānam prá māyābhir māyínam sakṣad índraḥ ||
5.030.07a ví śū mīdho janúṣā dānam ívann áhan gávā maghavan saṃcakānāḥ |
5.030.07c átrā dāsásya námuceḥ šíro yád ávartayo mánave gātúm ichán ||
5.030.08a yújaṃ hí mām ákṛthā ád íd indra šíro dāsásya námucer mathāyán |
5.030.08c áśmānaṃ cit svaryāṃ vartamānam prá cakríyeva ródasī marúbhyah ||
5.030.09a stríyo hí dāsá áyudhāni cakré kím mā karann abalā asya sénāḥ |
5.030.09c antár hy ákhyad ubhé asya dhéne áthópa praíd yudháye dásyum índraḥ ||
5.030.10a sám átra gávō 'bhíto 'navantehéha vatsaír víyutā yád ásan |
5.030.10c sám tá índro asṛjad asya śākaír yád īṃ sómāsaḥ súṣutā ámandan ||
5.030.11a yád īṃ sómā babhrúdhūtā ámandann ároravíd vṛṣabhāḥ sādaneṣu |
5.030.11c puraṃdarāḥ papivāṃ índro asya púnar gávām adadād usríyāṇām ||
5.030.12a bhadráṃ idám ruśámā agne akran gávām catvári dádataḥ sahásrā |
5.030.12c ṛṇaṃcayásya práyatā maghāni práty agrabhīṣma nítamasya nṛṇām ||
5.030.13a supésasam máva srjanty ástaṃ gávām sahásrai ruśámāso agne |
5.030.13c tīvrā índram amamanduḥ sutáso 'któr vyóṣtau páritakmyāyāḥ ||

- 5.030.14a aúchat sá rátrī páritakmyā yám̐ ṛṇamcayé rájani ruśámānām |
 5.030.14c átyo ná vājī raghúr ajoyámāno babhrús catvāry asanat sahásrā ||
 5.030.15a cátuḥsahasraṃ gávyasya paśváḥ práty agrabhīṣma ruśámeṣv agne |
 5.030.15c gharmás cit taptáḥ pravṛje yá áśīd ayasmáyas tám v ádāma víprāḥ ||

(385)

- 5.031.01a índro ráthāya pravátam̐ kṛṇoti yám adhyásthān maghávā vājayántam |
 5.031.01c yūthéva paśvó vy ùnoti gopā áriṣto yāti prathamáḥ síṣāsan ||
 5.031.02a á prá drava harivo má ví venāḥ písaṅgarāte abhí naḥ sacasva |
 5.031.02c nahí tvád indra vásyo anyád ásty amenám̐s cij jánivataś cakartha ||
 5.031.03a úd yát sáhaḥ sáhasa ájaniṣṭa dédiṣṭa índra indriyāṇi vísvā |
 5.031.03c prácodayat sudúghā vavré antár ví jyótiṣā samvavṛtvát támo 'vaḥ ||
 5.031.04a ánavas te rátham áśvāya takṣan tváṣṭā vájram puruhūta dyumántam |
 5.031.04c brahmāṇa índram maháyanto arkaír ávardhayann áhaye hántavā u ||
 5.031.05a víṣṇe yát te víṣṇo arkám árcān índra grāvāṇo áditiḥ sajośāḥ |
 5.031.05c anaśvāso yé paváyo 'rathá índreṣitā abhy ávartanta dásyūn ||
 5.031.06a prá te pūrvāni káraṇāni vocam prá nūtanā maghavan yá cakartha |
 5.031.06c śáktīvo yád vibhára ródasī ubhé jáyann apó mánave dánucitrāḥ ||
 5.031.07a tát ín nú te káraṇam̐ dasma viprāḥim̐ yád ghnánn ójo átrāmimīthāḥ |
 5.031.07c súṣṇasya cit pári māyá agrbhñāḥ prapitvám̐ yánn ápa dásyūm̐r asedhaḥ ||
 5.031.08a tvám apó yádave turvásāyāramayaḥ sudúghāḥ pārá indra |
 5.031.08c ugrám ayātam ávaho ha kútsam̐ sám ha yád vām usánāranta devāḥ ||
 5.031.09a índrākutsā váhamānā ráthenā vām átyā ápi kárṇe vahantu |
 5.031.09c níḥ ṣīm adbhyó dhámatho níḥ ṣadhásthān maghóno hṛdó varathas támāmsi ||
 5.031.10a vátasya yuktān suyújaś cid áśvān kavís cid eṣó ajagann avasyúḥ |
 5.031.10c víśve te átra marútaḥ sákhāya índra bráhmāni táviṣīm avardhan ||
 5.031.11a sūras cid rátham páritakmyāyām̐ pūrvam̐ karad úparam̐ jūjuvāmsam |
 5.031.11c bhárac cakráṃ étaśaḥ sám̐ riṇāti puró dádhat saniṣyati krátum̐ naḥ ||
 5.031.12a áyám̐ janā abhicákṣe jagāméndraḥ sákhāyam̐ sutásomam̐ ichán |
 5.031.12c vādan grāvāva védim bhriyāte yásya jírám̐ adhvaryávaś cáranti ||
 5.031.13a yé cākánanta cākánanta nū té mártā amṛta mó té áṃha áran |
 5.031.13c vāvandhí yájyūm̐r utá téṣu dhehy ójo jáneṣu yeṣu te syāma ||

(386)

- 5.032.01a ádardar útsam̐ ásrjo ví khāni tvám̐ arṇavān badbadhānām̐ aramñāḥ |
 5.032.01c mahāntam̐ indra párvataṃ ví yád váḥ srjó ví dhārā áva dānavám̐ han ||
 5.032.02a tvám̐ útsām̐ ṛtúbhir badbadhānām̐ áram̐ha údhaḥ párvatasya vajrin |
 5.032.02c áhiṃ cid ugra práyutam̐ śáyānam̐ jaghanvām̐ indra táviṣīm adhatthāḥ ||
 5.032.03a tyásya cin maható nír mṛgásya vādhar jaghāna táviṣībhir índraḥ |
 5.032.03c yá éka íd apratír mányamāna ád asmād anyó ajaniṣṭa távyān ||
 5.032.04a tyám̐ cid eṣām̐ svadháyā mádantam̐ mihó nápātam̐ suvṛdham̐ tamogām̐ |
 5.032.04c víṣaprabharmā dānavásya bhāmam̐ vājreṇa vajrī ní jaghāna súṣṇam̐ ||
 5.032.05a tvám̐ cid asva krátubhir nísattam̐ amarmāno vidád íd asva máрма |

- 5.032.05c yád īm suksatra prābhṛtā mādasya yúyutsantaṃ tāmasi harmyé dhāḥ ||
5.032.06a tyāṃ cid itthā katpayāṃ śáyānam asūryé tāmasi vāvṛdhānām |
5.032.06c tám cin mandāno vṛṣabhāḥ sutásyoccaír índro apagūryā jaghāna ||
5.032.07a úd yád índro mahaté dānavāya vādhar yāmiṣṭa sāho ápratītam |
5.032.07c yád īm vájrasya prābhṛtau dadābha vísvasya jantór adhamāṃ cakāra ||
5.032.08a tyāṃ cid árṇam madhupāṃ śáyānam asinvāṃ vavrām máhy ádad ugrāḥ |
5.032.08c apādam atrám mahatā vadhéna ní duryoṇá āvṛṇaṃ mṛdhrāvācam ||
5.032.09a kó asya súṣmaṃ táviṣiṃ varāta éko dhānā bharate ápratītaḥ |
5.032.09c imé cid asya jráyaso nú deví índrasyaújaso bhiyásā jihāte ||
5.032.10a ny āsmai deví svádhitir jihīta índrāya gātúr uśatīva yeme |
5.032.10c sám yád ójo yuváte vísvam ābhir ánu svadhāvne kṣitáyo namanta ||
5.032.11a ékaṃ nú tvā sátpatim pāñcajanyaṃ jātāṃ śṛṇomi yaśasaṃ jáneṣu |
5.032.11c tám me jagṛbhra āśáso náviṣṭhaṃ doṣá vástor hávamānāsa índram ||
5.032.12a evá hí tvām ṛtuthá yātáyantam maghá víprebhyo dádataṃ śṛṇómi |
5.032.12c kíṃ te brahmāṇo gṛhate sákhāyo yé tvāyá nidadhúḥ kāmam indra ||

(387)

- 5.033.01a máhi mahé taváse dīdhye nṛṇ índrāyetthá taváse átavyān |
5.033.01c yó asmai sumatīṃ vājasātau stutó jáne samaryās cikéta ||
5.033.02a sá tvāṃ na indra dhiyasāno arkaír hárīṇāṃ vṛṣan yóktram asreḥ |
5.033.02c yá itthá maghavann ánu jósaṃ vākṣo abhí práryāḥ sakṣi jánān ||
5.033.03a ná té ta indrábhy āsmád ṛṣváyuktāso abrahmāta yád ásan |
5.033.03c tíṣṭhā rátham ádhi tám vajrahastá raśmím deva yamase svásvaḥ ||
5.033.04a purú yát ta indra sánty ukthá gáve cakárthorvárāsu yúdhyan |
5.033.04c tatakṣé súryāya cid ókasi své víṣā samátsu dāsásya nāma cit ||
5.033.05a vayāṃ té ta indra yé ca nárah sárdho jajñāná yātás ca ráthāḥ |
5.033.05c āsmāñ jagamyād ahiśuṣma sátvā bhágo ná hávyaḥ prabhṛthéṣu cáruḥ ||
5.033.06a papṛkṣéṇyam indra tvé hy ójo nṛmñāni ca nṛtāmāno ámartaḥ |
5.033.06c sá na énīm vasavāno rayīm dāḥ práryá stuṣe tuvimaghásya dānam ||
5.033.07a evá na indrotíbhír ava pāhí gṛṇatāḥ śūra kārūn |
5.033.07c utá tvācam dádato vājasātau pipṛihí mádhvaḥ súṣutasya cároḥ ||
5.033.08a utá tyé mā pauraḥkutsyásya sūrés trasádasyor hiraṇíno ráraṇāḥ |
5.033.08c vāhantu mā dása śyétāso asya gairikṣitásya krátubhir nú saśce ||
5.033.09a utá tyé mā mārutásvasya sóṇāḥ krátvāmaghāso vidáthasya rátaú |
5.033.09c sahásrā me cyávatāno dádana ānūkám aryó vápuṣe nárcat ||
5.033.10a utá tyé mā dhvanyāsya júṣṭa lakṣmaṇyāsya surúco yátānāḥ |
5.033.10c mahná rāyāḥ samváraṇasya ṛṣer vrajāṃ ná gāvāḥ práyatā ápi gman ||

(388)

- 5.034.01a ájātaśatrum ajārā svārvaty ánu svadhāmitā dasmām īyate |
5.034.01c sunótana pácata bráhmavāhase puruṣtutáya pratarāṃ dadhātana ||
5.034.02a á yāḥ sómena jaṭhāram ápipratāmandata maghāvā mádhvo ándhasaḥ |

- 5.034.02c yád īm mrgāya hántave mahāvadhah sahásrabhr̥ṣṭim usánā vadhám yámat ||
5.034.03a yó asmai ghraṃsá utá vā yá ūdhani sómaṃ sunóti bhávati dyumám̐ áha |
5.034.03c ápāpa śakrás tatanuṣṭim ūhati tanúsubhram maghávā yáḥ kavāsakháḥ ||
5.034.04a yásyāvadhīt pitáram yásya mātáram yásya śakró bhrātaram nāta īṣate |
5.034.04c vétíd v asya práyatā yataṃkaró ná kílbīṣād īṣate vásva ākaráḥ ||
5.034.05a ná pañcábhīr daśábhīr vaṣṭy ārābham nāsunvatā sacate púṣyatā caná |
5.034.05c jināti véd amuyá hánti vā dhúnir á devayúm bhajati gómati vrajé ||
5.034.06a vitváṣṇaḥ sámṛtau cakramāsajó 'sunvato víṣuṇaḥ sunvató vṛdháḥ |
5.034.06c índro vísvasya damitá vibhīṣaṇo yathāvasám nayati dásam áryaḥ ||
5.034.07a sám īm paṇér ajati bhójanam muṣé ví dāsúṣe bhajati sūnáram vásu |
5.034.07c durgé caná dhriyate vísva á purú jáno yó asya táviṣīm ácukrudhat ||
5.034.08a sám yáj jánau sudhánau vísvásardhasāv áved índro maghávā góṣu śubhrīṣu |
5.034.08c yújam hy ànyám ákrta pravepany úd īm gávyam ṣṭjate sátvabhir dhúniḥ ||
5.034.09a sahasrasám āgniveśīm gr̥ṇīṣe sátrim agna upamám ketúm aryáḥ |
5.034.09c tasmā ápaḥ saṃyátaḥ pīpayanta tásmin kṣatrám ámavat tveṣám astu ||

(389)

- 5.035.01a yás te sādhiṣṭhó 'vasa índra krátuṣ ṭám á bhara |
5.035.01c asmábhyam carṣaṇīsáham sásnim vājeṣu duṣṭáram ||
5.035.02a yád indra te cátasro yác chūra sánti tistráḥ |
5.035.02c yád vā pañca kṣitínám ávas tát sú na á bhara ||
5.035.03a á té 'vo váreṇyam vṛṣantamasya hūmahe |
5.035.03c vṛṣajūtīr hí jajñīśá ābhūbhir indra turváṇiḥ ||
5.035.04a vṛṣā hy ási rádhasē jajñīśē vṛṣṇi te śávaḥ |
5.035.04c svákṣatram te dhṛṣán mánaḥ satrāhám indra paúṃsyam ||
5.035.05a tvám tám indra mártiyam amitrayántam adrivaḥ |
5.035.05c sarvarathá śatakrato ní yāhi śavasas pate ||
5.035.06a tvám íd vṛtrahantama jánāso vṛktábarhiṣaḥ |
5.035.06c ugrám pūrvīṣu pūrvyám hávante vājasātaye ||
5.035.07a asmākam indra duṣṭáram puroyāvānam ājīṣu |
5.035.07c sayāvānam dháne-dhane vājayántam avā rátham ||
5.035.08a asmākam indréhi no rátham avā púramdhyā |
5.035.08c vayám śaviṣṭha vāryam diví śrávo dadhīmahi diví stómam manāmahe ||

(390)

- 5.036.01a sá á gamad índro yó vásūnām cīketad dātuṃ dāmano rayīnām |
5.036.01c dhanvacaró ná váṃsagas ṭṛṣṇás cakamānāḥ pibatu dugdhám aṃśúm ||
5.036.02a á te hánū harivaḥ śūra śípṛe rúhat sómo ná párvatasya pṛṣṭhé |
5.036.02c ánu tvā rájann árvato ná hinván gīrbhír madema puruhūta víṣve ||
5.036.03a cakram ná vṛttám puruhūta vepate máno bhīyá me ámater íd adrivaḥ |
5.036.03c ráthād ádhi tvā jaritá sadāvṛdha kuvín nú stoṣan maghavan purūvásuḥ ||
5.036.04a eśá gráveva jaritá ta indréyarti vácam bṛhád āsuṣānāḥ |
5.036.04c prá savvéna maghavan vámsi rávāḥ prá daksiníd dharivo má ví venah ||

- 5.036.05a vṛṣā tvā vṛṣaṇam vardhatu dyaúr vṛṣā vṛṣabhyāṃ vahase háribhyām |
 5.036.05c sá no vṛṣā vṛṣarathaḥ suśipra vṛṣakrato vṛṣā vajrin bháre dhāḥ ||
 5.036.06a yó róhitau vājínau vājínīvān tribhíḥ śataḥ śacamānāv ádiṣṭa |
 5.036.06c yūne sám asmai kṣitáyo namantām śrutá Rathāya maruto duvoyā ||

(391)

- 5.037.01a sám bhānúnā yatate sūryasyājúhvāno ghṛtáprṣṭhaḥ svāñcāḥ |
 5.037.01c tás mā ámr̥dhṛā uśáso vy óchān yá índrāya sunávāméty āha ||
 5.037.02a sámiddhāgnir vanavat stīrṇābarhir yuktágrāvā sutásomo jarāte |
 5.037.02c grāvāṇo yásyeṣírām vādanty áyad adhvaryúr havíṣāva síndhum ||
 5.037.03a vadhūr iyám pátim ichánty eti yá īṃ vāhāte máhiṣīm iṣírām |
 5.037.03c āsya śravasyād rátha ā ca ghoṣāt purú sahásrā pári vartayāte ||
 5.037.04a ná sá rájā vyathate yásminn índras tīvrām sómam píbati gósakhāyam |
 5.037.04c ā satvanaír ájati hánti vṛtrām kṣéti kṣitíḥ subhágo náma púṣyan ||
 5.037.05a púṣyāt kṣéme abhí yóge bhavāty ubhé vṛtau saṃyatí sám jayāti |
 5.037.05c priyāḥ sūrye priyó agnā bhavāti yá índrāya sutásomo dádāsat ||

(392)

- 5.038.01a uróṣ ṭa indra rádhaso vibhvī rātíḥ śatakrato |
 5.038.01c ádhā no viśvacarṣaṇe dyumnā sukṣatra maṃhaya ||
 5.038.02a yád īm indra śravāyyam iṣam śaviṣṭha dadhiśé |
 5.038.02c paprathé dirghaśrúttamaṃ híranyavarṇa duṣṭáram ||
 5.038.03a śúśmāso yé te adrivo mehánā ketasāpaḥ |
 5.038.03c ubhá devāv abhiṣṭaye divás ca gmás ca rájathaḥ ||
 5.038.04a utó no asyá kásya cid dáksasya táva vṛtrahan |
 5.038.04c asmábhyam nṛmṇám ā bharāsmábhyam nṛmaṇasyase ||
 5.038.05a nú ta ābhír abhiṣṭibhis táva śármañ chatakrato |
 5.038.05c índra syāma sugopāḥ sūra syāma sugopāḥ ||

(393)

- 5.039.01a yád indra citra mehánāsti tvádātam adrivaḥ |
 5.039.01c rádhas tán no vidadvasa ubhayāhasty ā bhara ||
 5.039.02a yán mányase váreṇyam índra dyukṣám tád ā bhara |
 5.039.02c vidyāma tásya te vayám ákūpāryasya dāvāne ||
 5.039.03a yát te ditsú prarādhyam máno ásti śrutám bṛhát |
 5.039.03c téna dr̥ḥhā cid adriva ā vājam darṣi sātāye ||
 5.039.04a mámhiṣṭham vo maghónām rájānam carṣaṇīnām |
 5.039.04c índram úpa práśastaye pūrvíbhīr jujuse gírah ||
 5.039.05a ásmā ít kāvyaṃ váca ukthám índrāya sámṣyam |
 5.039.05c tás mā u bráhmavāhase gíro vardhanty átrayo gírah śumbhanty átrayaḥ ||

(394)

- 5.040.01a á yāhy ádribhiḥ sutám sómaṃ somapate piba |
5.040.01c vṛṣann indra vṛṣabhir vṛtrahantama ||
5.040.02a vṛṣā grāvā vṛṣā mádo vṛṣā sómo ayám sutáh |
5.040.02c vṛṣann indra vṛṣabhir vṛtrahantama ||
5.040.03a vṛṣā tvā vṛṣaṇaṃ huve vājriṅ citrābhir ūtibhiḥ |
5.040.03c vṛṣann indra vṛṣabhir vṛtrahantama ||
5.040.04a ṛjīṣī vajrī vṛṣabhás turāṣāt chuṣmī rājā vṛtrahā somapāvā |
5.040.04c yuktvā háribhyām úpa yásad arvān mádhyamdine sávane matsad índraḥ ||
5.040.05a yát tvā sūrya svàrbhānus támasāvidhyad āsuráh |
5.040.05c ákṣetravid yáthā mugdhó bhúvanāny adīdhayuḥ ||
5.040.06a svàrbhānor ádha yád indra māyā avó divó vártamānā avāhan |
5.040.06c gūlham sūryaṃ támasāpavratena turīyeṇa bráhmaṇāvindad átriḥ ||
5.040.07a má mām imám táva sántam atra irasyā drugdhó bhiyāsā ní gārīt |
5.040.07c tvám mitró asi satyárādhās taú mehāvataṃ váruṇás ca rājā ||
5.040.08a grāvno brahmā yuyujānāḥ saparyán kīrīṇā devān námasopaśíkṣan |
5.040.08c átriḥ sūryasya diví cākṣur ádhāt svàrbhānor ápa māyā aghukṣat ||
5.040.09a yám vaí sūryaṃ svàrbhānus támasāvidhyad āsuráh |
5.040.09c átrayas tám án v avindan nahy ànyé ásaknuvan ||

(395)

- 5.041.01a kó nú vām mitrāvaruṇāv ṛtāyán divó vā maháh pāṛthivasya vā dé |
5.041.01c ṛtāsya vā sádasi trāsītham no yajñāyaté vā paśuṣó ná vājān ||
5.041.02a té no mitró váruṇo aryamāyúr índra ṛbhukṣā marúto juṣanta |
5.041.02c námobhir vā yé dádhate suvṛktīm stómaṃ rudrāya mīlhuṣe sajóṣāḥ ||
5.041.03a á vām yeṣthāsvinā huvádhyai vátasya pátman ráthyasya puṣtaú |
5.041.03c utá vā divó ásurāya mánma prāndhāmsīva yájjave bharadhvam ||
5.041.04a prá sakṣāno divyáh kaṇvahotā tritó diváh sajóṣā váto agníḥ |
5.041.04c pūṣā bhágaḥ prabhṛthé viśvábhojā ājīm ná jagmur āsvāsvatamāḥ ||
5.041.05a prá vo rayīm yuktāśvam bharadhvam rāyá éṣé 'vase dadhīta dhīḥ |
5.041.05c suśéva évair auśijāsya hótā yé va évā marutas turāṇām ||
5.041.06a prá vo vāyúm rathayújaṃ kṛṇudhvam prá devám vípram panitāram arkaíḥ |
5.041.06c iṣudhyáva ṛtasāpaḥ púramdhīr vásvīr no átra pátnīr á dhiyé dhuḥ ||
5.041.07a úpa va éṣe vándyebhiḥ sūṣaíḥ prá yahví divás citáyadbhir arkaíḥ |
5.041.07c uśāsánáktā vidúṣīva vísvam á hā vahato mártiyāya yajñám ||
5.041.08a abhí vo arce poṣyāvato nṛṇ vāstoṣ pátim tváṣṭāraṃ rárāṇaḥ |
5.041.08c dhányā sajóṣā dhīśānā námobhir vānaspátīmṛ ośadhī rāyá éṣe ||
5.041.09a tujé nas táne párvatāḥ santu svaítavo yé vásavo ná vīrāḥ |
5.041.09c panitá āptyó yajatáh sádā no várdhān naḥ sám sam náryo abhīṣtau ||
5.041.10a vṛṣno astoṣi bhūmyāsya gárbham tritó nápātam apám suvṛktí |
5.041.10c grṇíté agnīr etārī ná sūṣaíḥ śociśkešo ní riṇāti vānā ||
5.041.11a kathā mahé rudrīyāya bravāma kád rāyé cikitúṣe bhágāya |
5.041.11c ápa ósadhīr utá no 'vantu dyaúr vānā giráyo vrksákeśāḥ ||

- 5.041.12a śṛṇótu na ūrjám pátir gírah sá nábhas tárīyāṃ iṣirāḥ párijmā |
5.041.12c śṛṇvāntv āpaḥ púro ná śubhrāḥ pári srúco babṛhāṇásyādreḥ ||
5.041.13a vidā cin nú mahānto yé va évā brávāma dasmā vāryaṃ dádhanāḥ |
5.041.13c váyaś caná subhvā áva yanti kṣubhá mártam ánuyataṃ vadhasnaíḥ ||
5.041.14a á daívyāni pārhivāni jánmāpás cáchā súmakhāya vocam |
5.041.14c vārdhantāṃ dyávo gíraś candrágrā udá vardhantāṃ abhíṣatā árṇāḥ ||
5.041.15a padé-pade me jarimā ní dhāyi várūtrī vā śakrá yá pāyúbhiś ca |
5.041.15c síṣaktu mātā mahī rasā naḥ smát sūrībhir rjuhásta rjuvāniḥ ||
5.041.16a kathá dāsema námasā sudánūn evayá marúto áchoktau práśravaso marúto áchoktau |
5.041.16c má nó 'hir budhnyò riṣé dhād asmākam bhūd upamātivāniḥ ||
5.041.17a íti cin nú prajāyai paśumátyai dévāso vānate mártyo va á devāso vanate mártyo vaḥ |
5.041.17c átrā sívāṃ tanvò dhāsīm asyá jarāṃ cin me nírttir jagrasīta ||
5.041.18a tām vo devāḥ sumatīm ūrjáyantīm ísam aśyāma vasavaḥ śásā góḥ |
5.041.18c sá naḥ sudánur mṛláyantī devī práti drávantī suvitāya gamyāḥ ||
5.041.19a abhí na ílā yūthásya mātā smán nadībhir urváśī vā gṛṇātu |
5.041.19c urváśī vā bṛhaddivá gṛṇānábhyūrṇvāná prabhṛthásyāyóḥ ||
5.041.20a síṣaktu na ūrjavyāsya puṣtēḥ ||

(396)

- 5.042.01a prá sám̐tamā váruṇaṃ dīdhiti gír mitráṃ bhágam áditim̐ nūnám aśyāḥ |
5.042.01c pṛṣadyoniḥ páñcahotá śṛṇotv átúrtapanthā ásuro mayobhúḥ ||
5.042.02a práti me stómam áditir jagṛbhyaṭ sūnūṃ ná mātā hṛdyāṃ suśévam |
5.042.02c bráhma priyāṃ deváhitāṃ yád ásty ahám mitré váruṇe yán mayobhú ||
5.042.03a úd īraya kavítamaṃ kavīnām unáttainam abhí mádhvā ghṛténa |
5.042.03c sá no vásūni práyatā hitāni candráṇi devāḥ savitá suvāti ||
5.042.04a sám indra ṇo mánasā neṣi góbiḥ sám sūrībhir harivaḥ sám svastí |
5.042.04c sám bráhmaṇā deváhitāṃ yád ásti sám devānām sumatyá yajñīyānām ||
5.042.05a devó bhágaḥ savitá rāyò ámśa índro vṛtrásya samjító dhánānām |
5.042.05c ṛbhukṣá vāja utá vā púraṃdhir ávantu no amítāsas turásah ||
5.042.06a marútvato ápratītasya jiṣṇór ájūryataḥ prá bravāmā kṛtāni |
5.042.06c ná te pūrve maghavan náparāso ná vīryāṃ nūtanāḥ kás canāpa ||
5.042.07a úpa stuhi prathamām ratnadhéyam bṛhaspátim̐ sanitāraṃ dhánānām |
5.042.07c yāḥ sám̐sate stuvaté sám̐bhaviṣṭhaḥ purūvásur āgámaj jóhuvānam ||
5.042.08a távotībhiḥ sácāmāná áriṣṭā bṛhaspate maghávānaḥ suvīrāḥ |
5.042.08c yé aśvadā utá vā sánti godā yé vastradāḥ subhágās téṣu rāyaḥ ||
5.042.09a visarmāṇaṃ kṛṇuhi vittám eṣāṃ yé bhuñjáte ápṛṇanto na ukthaíḥ |
5.042.09c ápavratān prasavé vāvṛdhānān brahmadvíṣaḥ sūryād yāvayasva ||
5.042.10a yá óhate rakṣáso devávitāv acakrébhis tám maruto ní yāta |
5.042.10c yó vaḥ sám̐m̐m̐ śásamānásya nínđāt tuchyān kāmān karate síṣvidānāḥ ||
5.042.11a tám u ṣṭuhi yāḥ sviṣúḥ sudhānvā yó vísvasya kṣáyati bheṣajásya |
5.042.11c yáḥsvā mahé saumanasāya rudráṃ námobhir devám ásuram̐ duvasya ||
5.042.12a dāmūnaso apáso yé suhástā víṣṇaḥ pátnīr nadyò vibhvataṣṭāḥ |
5.042.12c sárasvatī bṛhaddivótá rāká daśasyántīr varivasyantu śubhrāḥ ||

- 5.042.13a prá sū mahé suśaraṇāya medhām gíram bhare návyasīm jáyamānām |
 5.042.13c yá āhanā duhitúr vaksāṇāsu rūpā minānó ákṛṇod idám naḥ ||
 5.042.14a prá suṣtutí stanáyantam ruvántam ilás pátim jaritar nūnám aśyāḥ |
 5.042.14c yó abdimāṃ udanimāṃ íyarti prá vidyútā ródasī ukśámāṇaḥ ||
 5.042.15a eṣá stómo mārutam śárdho áchā rudrásya sūnūṃr yuvanyūṃr úd aśyāḥ |
 5.042.15c kámo rāyé havate mā svasty úpa stuhi pṛśadaśvām ayāsaḥ ||
 5.042.16a praíśá stómaḥ pṛthivīm antárikṣam vānaspátīṃr ośadhī rāyé aśyāḥ |
 5.042.16c devó-devaḥ suhávo bhūtu máhyam má no mātá pṛthiví durmataú dhāt ||
 5.042.17a uraú devā anibādhé syāma ||
 5.042.18a sám aśvínor ávasā nūtanena mayobhúvā supránīti gamema |
 5.042.18c á no rayīm vahatam ótá vīrān á vísvāny amṛtā saúbhagāni ||

(397)

- 5.043.01a á dhenávaḥ páyasā túṃyarthā ámar dhantīr úpa no yantu mádhvā |
 5.043.01c mahó rāyé bṛhatīḥ saptá vípro mayobhúvo jaritá johavīti ||
 5.043.02a á suṣtutí námasā vartayádhyai dyāvā vājāya pṛthiví amṛdhre |
 5.043.02c pitá mātá mádhvacāḥ suhástā bháre-bhare no yaśásāv aviṣtām ||
 5.043.03a ádhvaryavaś cakṛvāṃso mádhūni prá vāyáve bharata cáru śukráam |
 5.043.03c hóteva naḥ prathamáḥ pāhy asyá déva mádhvo rarimá te mádāya ||
 5.043.04a dáśa kṣípo yuñjate bāhú ádriṃ sómasya yá sámítāra suhástā |
 5.043.04c mádhvo rásam sugábhastir giriṣthām cániścadad duduhe śukráam amśúḥ ||
 5.043.05a ásāvi te jujuṣāṇāya sómaḥ krátve dáksāya bṛhaté mádāya |
 5.043.05c hári ráthe sudhúra yóge arvág índra priyá kṛṇuhi hūyámānaḥ ||
 5.043.06a á no mahím arámatim sajośā gnām devīm námasā rātáhvayām |
 5.043.06c mádhor mádāya bṛhatīm ṛtajñām ágne vaha pathíbhīr devayānaiḥ ||
 5.043.07a añjánti yám pratháyanto ná víprā vapāvantaṃ nāgnínā tápantaḥ |
 5.043.07c pitúr ná putrá upási préṣtha á gharmó agnīm ṛtáyann asādi ||
 5.043.08a áchā mahí bṛhatí sám̐tamā gír dūtó ná gantv aśvínā huvádhyai |
 5.043.08c mayobhúvā saráthā yātam arvág gantám nidhím dhúram ānīr ná nābhim ||
 5.043.09a prá távyaso námaüktim turásyāhám pūṣṇá utá vāyór adikṣi |
 5.043.09c yá rádhasā coditāra matínām yá vājasya draviṇodá utá tmán ||
 5.043.10a á námabhir marúto vakṣi vísvān á rūpébhir jātavedo huvānáḥ |
 5.043.10c yajñám gíro jaritúḥ suṣtutim ca víśve ganta maruto víśva ūtí ||
 5.043.11a á no divó bṛhatáḥ párvatād á sárasvatī yajatá gantu yajñám |
 5.043.11c hávam deví jujuṣāṇá ghr̥tācī śagmām no vácam usatí śr̥notu ||
 5.043.12a á vedhásam nīlapṛṣtham bṛhántam bíhaspátim sádane sādadhvam |
 5.043.12c sādadyonim dáma á dīdivāṃsam híraṇyavarṇam aruśám sapema ||
 5.043.13a á dharṇasír bṛháddivo rárāṇo víśvebhīr gantv ómabhir huvānáḥ |
 5.043.13c gná vásāna ośadhīr amṛdhras tridhātuśṛṅgo vṛṣabhó vayodhāḥ ||
 5.043.14a mātúṣ padé paramé śukrá āyór vipanyávo rāspiráso agman |
 5.043.14c suśévyam námasā rātáhvayāḥ śísūm mrjanty āyávo ná vāsé ||
 5.043.15a bṛhád váyo bṛhaté túbhyam agne dhiyājúro mithunásaḥ sacanta |
 5.043.15c devó-devaḥ suhávo bhūtu máhyam má no mātá pṛthiví durmataú dhāt ||
 5.043.16a uraú devā anibādhé svāma ||

5.043.10a urāu devā ambhācīc syāntā ||

5.043.17a sām aśvínor ávasā nūtanena mayobhúvā supráñīti gamema |

5.043.17c ā no rayīm vahatam ótā vīrān ā víśvāny amṛtā saúbhagāni ||

(398)

5.044.01a tám pratnáthā pūrváthā víśváthemáthā jyeṣṭhátātim barhiśádam svarvídāma |

5.044.01c pratīcīnām vrjānaṃ dohase girāśúm jáyantānu ánu yāsu várdhase ||

5.044.02a śriyé sudṛśīr úparasya yāḥ svār virócamānaḥ kakúbhām acodāte |

5.044.02c sugopā asi ná dábhāya sukrato paró māyābhir ṛtā āsa náma te ||

5.044.03a átyaṃ havīḥ sacate sác ca dhātu cáriṣṭagātuḥ sá hótā sahobháriḥ |

5.044.03c prasársrāno ánu barhír vṛṣā śísūsur mádhye yúvājāro visrúhā hitáḥ ||

5.044.04a prá va eté suyújo yāmann iṣṭāye nīcīr amúṣmai yamyà ṛtāvṛdhaḥ |

5.044.04c suyántubhiḥ sarvaśāsaír abhīsubhiḥ krívīr námāni pravaṇé muṣāyati ||

5.044.05a samjārbhurānas tárubhiḥ sutegṛbham vayākīnaṃ cittāgarbhāsu susváruḥ |

5.044.05c dhāravākēṣv ṛjugātha śobhase várdhasva pátnīr abhī jīvo adhvaré ||

5.044.06a yādṛg evá dádrṣe tādṛg ucyate sām chāyāyā dadhire sidhráyāpsv ā |

5.044.06c mahīm asmábhyam uruṣām urú jrāyo bṛhát suvīram ánapacyutaṃ sáhaḥ ||

5.044.07a véty ágrur jánivān vā áti spṛdhaḥ samaryatā mánasā sūryaḥ kavīḥ |

5.044.07c ghraṃsām rákṣantaṃ pári víśvāto gáyāma asmākāma śárma vanavat svāvasuḥ ||

5.044.08a jyāyāmsam asyá yatúnasya ketúna ṛṣisvarāma carati yāsu náma te |

5.044.08c yādṛśmin dhāyi tám apasyāyā vidad yá u svayāma váhate só áraṃ karat ||

5.044.09a samudrāma āsāma áva tasthe agrimā ná riṣyati sávanaṃ yásminn āyātā |

5.044.09c átrā ná hárdi kravaṇāsya rejate yātrā matír vidyāte pūtabāndhanī ||

5.044.10a sá hí kṣatrāsya manasāsya cíttibhir evāvadāsya yajatāsya sádhreḥ |

5.044.10c avatsārāsya sprṇavāma ráṇvabhiḥ śáviṣṭhaṃ vājāma vidúṣā cid árdhyāma ||

5.044.11a śyená āsāma áditiḥ kaksyò mádo víśvāvārasya yajatāsya māyīnaḥ |

5.044.11c sām anyāma-anyāma arthayanty étave vidúr viṣāṇāma paripānaṃ ánti té ||

5.044.12a sadāpṛṇo yajató ví dvīṣo vadhīd bāhuvṛktáḥ śrutavít táryo vaḥ sácā |

5.044.12c ubhá sá várā práty eti bhāti ca yád īma gaṇāma bhājate suprayāvabhiḥ ||

5.044.13a sutambharó yājamānasya sátpatir víśvāsāma údhaḥ sá dhiyāma udāncanaḥ |

5.044.13c bhārad dhenú rāsavac chíśriye páyo 'nubruvāno ádhy eti ná svapāna ||

5.044.14a yó jāgāra tám řcaḥ kāmāyante yó jāgāra tám u sāmāni yanti |

5.044.14c yó jāgāra tám ayāma sóma āha távāhāma asmi sakhyé nyòkāḥ ||

5.044.15a agnír jāgāra tám řcaḥ kāmāyante 'gnír jāgāra tám u sāmāni yanti |

5.044.15c agnír jāgāra tám ayāma sóma āha távāhāma asmi sakhyé nyòkāḥ ||

(399)

5.045.01a vidá divó viṣyāna ádrim uktháir āyatyā uśāso arcíno guḥ |

5.045.01c ápāvṛta vrajínīr út svār gād ví dúro mánuṣīr devá āvaḥ ||

5.045.02a ví sūryo amátim ná śríyāma sād órvād gāvāma mātā jānatī gāt |

5.045.02c dhānavarṇaso nadyāḥ khádoarṇā sthūṇeva sūmitā dṛmḥata dyaúḥ ||

5.045.03a asmā ukthāya párvatasya gárbho mahínāma janúṣe pūrvyāya |

5.045.03c ví párvato jíhīta sádḥata dyaúr āvívāsanto dasayanta bhūma ||

- 5.045.04a sūktébhīr vo vácobhīr devájus̄tair índrā nv àgnī ávase huvádhyai |
 5.045.04c ukthébhīr hí śmā kaváyaḥ suyajñā āvívāsanto marúto yájanti ||
 5.045.05a éto nv àdyá sudhyò bhávāma prá duchúnā minavāmā várīyaḥ |
 5.045.05c āré dvéśāmsi sanutár dadhāmāyāma práñco yájamānam ácha ||
 5.045.06a étā dhīyaṃ kr̥ṇāvāmā sakhāyó 'pa yā mātāṃ ṛnutá vrajám góḥ |
 5.045.06c yáyā mánur viśíśiprám jigāya yáyā vaṇíg vaṅkúr āpā púrīṣam ||
 5.045.07a ánūnod átra hástayato ádrir árcan yéna dáśa māsó návagvāḥ |
 5.045.07c ṛtám yatí sarāmā gā avindad vísvāni satyāṅgirās cakāra ||
 5.045.08a víśve asyā vyúṣi māhināyāḥ sám yád góbhīr áṅgirasó návanta |
 5.045.08c útsa āsām paramé sadhástha ṛtāsya pathā sarāmā vidad gāḥ ||
 5.045.09a ā sūryo yātu saptāśvaḥ kṣétram yád asyorviyā dīrghayāthé |
 5.045.09c raghúḥ śyenāḥ patayad ándho áchā yúvā kavír dīdayad góṣu gáchan ||
 5.045.10a ā sūryo aruhac chukrám árṇó 'yukta yád dharíto vītápr̥sthāḥ |
 5.045.10c udnā ná nāvam anayanta dhīrā āśr̥vatír āpo arvág atīṣṭhan ||
 5.045.11a dhīyaṃ vo apsú dadhiṣe svarśám yáyātaran dáśa māsó návagvāḥ |
 5.045.11c ayā dhiyā syāma devágopā ayā dhiyā tuturyāmāty āmhaḥ ||

(400)

- 5.046.01a háyo ná vidvāṃ ayuji svayám dhurí tām vahāmi pratáraṇīm avasyúvam |
 5.046.01c nāsya vaśmi vimúcam nāvítam púnar vidvān pathāḥ puraetá rjú nesati ||
 5.046.02a ágna índra varuṇa mítra dévāḥ sárdhaḥ prá yanta mārutotá viṣṇo |
 5.046.02c ubhá nāsatyā rudró ádha gnāḥ pūṣā bhágaḥ sárasvatī juṣanta ||
 5.046.03a indrāgnī mitrávaruṇáditim svāḥ pṛthivīm dyām marútaḥ párvatām apāḥ |
 5.046.03c huvé viṣṇum pūśānam bráhmaṇas pátim bhágaṃ nú sámśam savitāram útāye ||
 5.046.04a utá no viṣṇur utá vāto asrídho draviṇodá utá sómo máyas karat |
 5.046.04c utá ṛbháva utá rāyé no ásvínotá tváṣtotá víbhvānu mamsate ||
 5.046.05a utá tyán no mārutam sárdha ā gamad divikṣayám yajatám barhír āsáde |
 5.046.05c bṛhaspátih sárma pūśótá no yamad varūthyam varuṇo mitró aryamá ||
 5.046.06a utá tyé naḥ párvatāsaḥ suśastáyaḥ sudítāyo nadyàs trámaṇe bhuvan |
 5.046.06c bhágo vibhaktá sávasāvasá gamad uruvyácā áditih śrotu me hávam ||
 5.046.07a devānām pátnīr usatír avantu naḥ právantu nas tujāye vājasātaye |
 5.046.07c yāḥ pāṛthivāso yā apām ápi vraté tá no devīḥ suhavāḥ sárma yachata ||
 5.046.08a utá gnā vyantu devápatnīr indrāṇy àgnāyy ásvínī rāt |
 5.046.08c ā ródasī varuṇānī śr̥notu vyāntu devír yá ṛtúr jánīnām ||

(401)

- 5.047.01a prayuñjatí divá eti bruvāṇā mahí mātá duhitúr bodháyantī |
 5.047.01c āvívāsantī yuvatír manīśá pitṛbhya ā sádane jóhuvānā ||
 5.047.02a ajirásas tādapa íyamānā ātasthivāmso amṛtasya nābhim |
 5.047.02c anantāsa urávo vísvátaḥ sīm pári dyāvāpṛthiví yanti pánthāḥ ||
 5.047.03a ukśá samudró aruśāḥ suparṇāḥ pūrvasya yónim pitúr ā viveśa |
 5.047.03c mádhye divó níhitaḥ pṛśnir ásmā ví cakrame rájasas pāty ántau ||
 5.047.04a catvāra īm bibhrati ksemavānto dáśa śárbham carāse dhānavante |

- 5.047.04c tridhātavaḥ paramā asya gāvo divás caranti pári sadyó ántān ||
 5.047.05a idāṃ vāpur nivācanaṃ janāsaś caranti yān nadyàs tasthúr āpaḥ |
 5.047.05c dvé yád īm bibhrtó mātúr anyé ihéha jāté yamyā sábandhū ||
 5.047.06a ví tanvate dhíyo asmā ápāṃsi vástrā putráya mātáro vayanti |
 5.047.06c upaprakṣé vṛṣaṇo módamānā divás pathā vadhvò yanty ácha ||
 5.047.07a tát astu mitrāvaruṇā tát agne sám yór asmábhyam idám astu śastám |
 5.047.07c aśīmáhi gādhám utá pratiṣṭhām námo divé bṛhaté sādanāya ||

(402)

- 5.048.01a kád u priyāya dhāmne manāmahe svákṣatrāya sváyaśase mahé vayám |
 5.048.01c āmenyásya rájaso yád abhrá āṃ apó vṛṇāná vitanóti māyīni ||
 5.048.02a tá atnata vayúnaṃ vīrávakaṣaṇaṃ samānyā vṛtáyā vísvam á rájaḥ |
 5.048.02c ápo ápācīr áparā ápejate prá pūrvābhis tirate devayúr jánaḥ ||
 5.048.03a á grāvabhir ahanyābhir aktúbhir váriṣṭhaṃ vájram á jigharti māyīni |
 5.048.03c śatám vā yásya pracáran své dáme samvartáyanto ví ca vartayann áhā ||
 5.048.04a tám asya rītím paraśór iva práty ánikam akhyam bhujé asya várpasah |
 5.048.04c sácā yádi pitumántam iva kṣáyam rátnaṃ dádhāti bhárahūtaye visé ||
 5.048.05a sá jihváyā cáturanīka ṛñjate cāru vásāno váruṇo yátann arím |
 5.048.05c ná tása vidma puruṣatvátā vayám yáto bhágaḥ savitá dāti váryam ||

(403)

- 5.049.01a devám vo adyá savitāram eše bhágaṃ ca rátnaṃ vibhájantam āyóḥ |
 5.049.01c á vām narā purubhujā vavṛtyām divé-dive cid asvinā sakhīyān ||
 5.049.02a práti prayāṇam ásurasya vidvān sūktaír devám savitāram duvasya |
 5.049.02c úpa bruvīta námasā vijānáñ jyēṣṭhaṃ ca rátnaṃ vibhájantam āyóḥ ||
 5.049.03a adatrayā dayate vāryāni pūṣā bhágo áditir vásta usráḥ |
 5.049.03c índro víṣṇur váruṇo mitró agnír áhāni bhadrá janayanta dasmāḥ ||
 5.049.04a tán no anarvá savitá várūthaṃ tát síndhava iṣáyanto ánu gman |
 5.049.04c úpa yád vóce adhvarásya hótā rāyáḥ syāma pátayo vājaratnāḥ ||
 5.049.05a prá yé vásubhya ívad á námo dúr yé mitré váruṇe sūktāvācaḥ |
 5.049.05c ávaitv ábhvam kṛṇutá várīyo divásprthivyór ávasā madema ||

(404)

- 5.050.01a vísvo devásya netúr márto vurīta sakhyám |
 5.050.01c vísvo rāyá iṣudhyati dyumnám vṛṇīta puṣyáse ||
 5.050.02a té te deva netar yé cemāṃ anuśáse |
 5.050.02c té rāyá té hy āpīce sácemahi sacathyaçḥ ||
 5.050.03a áto na á ṛñn átithīn átaḥ pátnīr daśasyata |
 5.050.03c āré vísvam patheṣṭhām dviśó yuyotu yūyuvīḥ ||
 5.050.04a yátra váhnir abhíhito dudrávad dróṇyaḥ pasúḥ |
 5.050.04c ṛmāṇā vīrápastyó 'ṛṇā dhíreva sánitā ||

- 5.050.05a eṣá te deva netā ráthaspátih śám rayih |
5.050.05c śám rāyé śám svastáya iṣastúto manāmahe devastúto manāmahe ||

(405)

- 5.051.01a ágne sutásya pītáye vísvair ūmebhir á gahi |
5.051.01c devébhír havýádātaye ||
5.051.02a ítadhítaya á gata sátyadharmāṇo adhvarám |
5.051.02c agnéḥ pibata jihváyā ||
5.051.03a víprebhir vipra santya prātaryāvabhir á gahi |
5.051.03c devébhiḥ sómapītaye ||
5.051.04a ayám sómaś camū sutó 'matre pári śicyate |
5.051.04c priyá índrāya vāyáve ||
5.051.05a vāyav á yāhi vītáye juṣāṇó havýádātaye |
5.051.05c píbā sutásyāndhaso abhí práyaḥ ||
5.051.06a índraś ca vāyav eṣām sutānām pītím arhathaḥ |
5.051.06c tāñ juṣethām arepāsāv abhí práyaḥ ||
5.051.07a sutá índrāya vāyáve sómāso dádhyāśiraḥ |
5.051.07c nimnám ná yanti síndhavo 'bhí práyaḥ ||
5.051.08a sajur vísvébhír devébhír aśvibhyām uśásā sajúḥ |
5.051.08c á yāhy agne atrivát suté raṇa ||
5.051.09a sajur mitrávaruṇābhyām sajúḥ sómena víṣṇunā |
5.051.09c á yāhy agne atrivát suté raṇa ||
5.051.10a sajur ādityaír vásubhiḥ sajur índreṇa vāyúnā |
5.051.10c á yāhy agne atrivát suté raṇa ||
5.051.11a svastí no mimītām aśvínā bhágaḥ svastí devy áditir anarváṇaḥ |
5.051.11c svastí pūṣá ásuero dadhātu naḥ svastí dyāvāpṛthiví sucetúnā ||
5.051.12a svastáye vāyúm úpa bravāmahai sómaḥ svastí bhúvanasya yás pátiḥ |
5.051.12c bṛhaspátim sárvaṇaḥ svastáye svastáya ādityāso bhavantu naḥ ||
5.051.13a víśve devā no adyā svastáye vaiśvānaró vásur agníḥ svastáye |
5.051.13c devā avantv ṛbhávaḥ svastáye svastí no rudráḥ pātv āṃhasaḥ ||
5.051.14a svastí mitrávaruṇā svastí pathye revati |
5.051.14c svastí na índraś cāgníś ca svastí no adite kṛdhi ||
5.051.15a svastí pánthām ánu carema sūryācandramásāv iva |
5.051.15c púnar dádatāghnatā jānatā sám gamemahi ||

(406)

- 5.052.01a prá śyāvāśva dhr̥ṣṇuyārcā marúdbhir ṛkvabhiḥ |
5.052.01c yé adroghám anuṣvadhám śrávo mādanti yajñíyāḥ ||
5.052.02a té hí sthirásya sávasaḥ sákhāyaḥ sánti dhr̥ṣṇuyā |
5.052.02c té yámann á dhr̥ṣadvinas tmánā pānti śásvataḥ ||
5.052.03a té syandrāso nókṣāṇó 'ti śkandanti sárvarih |
5.052.03c marútām ádhā máho diví kṣamā ca manmahe ||
5.052.04a marútsu vo dadhīmahi stómaḥ yajñám ca dhr̥ṣṇuyā |

- 5.052.04c víšve yé mānuṣā yugā pānti mārtyaṃ riśāḥ ||
5.052.05a árhanto yé sudānavo náro ásāmiśavasah |
5.052.05c prá yajñāṃ yajñíyebhyo divó arcā marúdbhyaḥ ||
5.052.06a ā rukmaír ā yudhā nára ṛṣvā ṛṣṭír asṛkṣata |
5.052.06c ánv enāṃ áha vidyúto marúto jájjhatír iva bhānúr arta tmánā diváḥ ||
5.052.07a yé vāvṛdhánta pārhivā yá urāv antárikṣa ā |
5.052.07c vṛjáne vā nadínāṃ sadhásthe vā mahó diváḥ ||
5.052.08a śárdho mārutam úc chaṃsa satyásavasam íbhvasam |
5.052.08c utá sma té śubhé nárah prá syandrā yujata tmánā ||
5.052.09a utá sma té páruṣṇyām úrṇā vasata śundhyávaḥ |
5.052.09c utá pavyā ráthānām ádrim bhindanty ójasā ||
5.052.10a āpathayo vípathayó 'ntaspathā ánupathāḥ |
5.052.10c etébhír máhyaṃ nāmabhir yajñāṃ viṣṭará ohate ||
5.052.11a ádhā náro ny òhaté 'dhā niyúta ohate |
5.052.11c ádhā pāravatā íti citrá rūpāṇi dárśyā ||
5.052.12a chandastúbhaḥ kubhanyáva útsam ā kíriṇo nṛtuḥ |
5.052.12c té me ké cin ná tāyáva ūmā āsan dṛśí tviṣé ||
5.052.13a yá ṛṣvā ṛṣṭívidyutaḥ kaváyaḥ sánti vedhásah |
5.052.13c tám ṛṣe mārutam gaṇāṃ namasyā ramáyā girā ||
5.052.14a ácha ṛṣe mārutam gaṇāṃ dānā mitráṃ ná yośāṇā |
5.052.14c divó vā dhrṣṇava ójasā stutā dhībhír iṣanyata ||
5.052.15a nú manvāná eṣāṃ devāṃ áchā ná vakśāṇā |
5.052.15c dānā saceta sūrībhír yāmaśrutebhír añjībhiḥ ||
5.052.16a prá yé me bandhveṣé gāṃ vócantā sūrāyaḥ pṛṣṇim vocanta mātāram |
5.052.16c ádhā pitāram iṣmīṇaṃ rudráṃ vocanta śíkvasah ||
5.052.17a saptá me saptá śákína ékam-ekā śatá daduḥ |
5.052.17c yamúnāyām ádhi śrutám úd rádho gávyam mrje ní rádho áśvyam mrje ||

(407)

- 5.053.01a kó veda jānam eṣāṃ kó vā purá sumnéṣv āsa marútām |
5.053.01c yád yuyujré kilāsyāḥ ||
5.053.02a aítān rátheṣu tasthúśah káḥ śuśrāva kathā yayuḥ |
5.053.02c kásmai sasruḥ sudāse ánv āpáya ílābhir vṛṣṭáyah sahá ||
5.053.03a té ma āhur yá āyayúr úpa dyúbhir víbhír máde |
5.053.03c náro máryā arepása imān páśyann íti ṣṭuhi ||
5.053.04a yé añjīṣu yé vāśīṣu svābhānavah srakṣú rukméṣu khādīṣu |
5.053.04c śrāyā rátheṣu dhánvasu ||
5.053.05a yuṣmākaṃ smā ráthāṃ ánu mudé dadhe maruto jīradānavah |
5.053.05c vṛṣṭí dyávo yatír iva ||
5.053.06a ā yām nárah sudānavo dadāśúṣe diváḥ kósam ácucyavuḥ |
5.053.06c ví parjānyaṃ srjanti ródasī ánu dhánvanā yanti vṛṣṭáyah ||
5.053.07a tatṛdānāḥ síndhavaḥ kṣódasā rájah prá sasrur dhenávo yathā |
5.053.07c syannā áśvā ivādhvano vimócane ví yád vártanta enyāḥ ||

- 5.053.08a ā yāta maruto divā āntárikṣād amād utá |
5.053.08c māvā sthāta parāvātaḥ ||
5.053.09a māvō rasānitabhā kūbhā krúmur māvā vaḥ síndhur ní rīramat |
5.053.09c māvā vaḥ pári ṣṭhāt saráyuh purīṣīny asmé ít sumnám astu vaḥ ||
5.053.10a tám vaḥ śárdham ráthānām tveṣám gaṇám mārutaṃ návyasīnām |
5.053.10c ánu prá yanti vṛṣṭáyah ||
5.053.11a śárdham-śardham va eṣám vrātaṃ-vrātaṃ gaṇám-gaṇám suśastībhiḥ |
5.053.11c ánu krāmema dhītībhiḥ ||
5.053.12a kásmā adyá sújātāya rātāhavyāya prá yayuh |
5.053.12c enā yāmena marútaḥ ||
5.053.13a yéna tokāya tánayāya dhānyam bíjam váhadhve ákṣitam |
5.053.13c asmábhyam tát dhattana yád va ímahe rádho viśvāyu saúbhagam ||
5.053.14a átīyāma nidás tirāḥ svastībhir hitvāvadyám árātīḥ |
5.053.14c vṛṣṭvī sám yór āpa usrí bheṣajám syāma marutaḥ sahá ||
5.053.15a sudevāḥ samahāsati suvíro naro marutaḥ sá mártyaḥ |
5.053.15c yám tráyadhve syāma té ||
5.053.16a stuhí bhoján stuvató asya yāmani ráṇan gāvo ná yāvase |
5.053.16c yatāḥ pūrvāṃ iva sákhīṃr ánu hvaya girá gṛṇīhi kāmīnaḥ ||

(408)

- 5.054.01a prá śárdhāya mārutāya svābhānava imām vācam anajā parvatacyúte |
5.054.01c gharmastúbhe divā ā pṛṣṭhayájvane dyumnásravase máhi ṇṛmṇám arcata ||
5.054.02a prá vo marutas taviṣā udanyávo vayovṛdho aśvayújaḥ párijrayaḥ |
5.054.02c sám vidyúta dádhati vāsati tritāḥ sváranty āpo 'vánā párijrayaḥ ||
5.054.03a vidyúnmahaso náro áśmadidyavo vātaviṣo marútaḥ parvatacyútaḥ |
5.054.03c abdayā cin múhur ā hrādunīvṛta stanáyadamā rabhasā údojasaḥ ||
5.054.04a vy áktūn rudrā vy áhāni śikvaso vy āntárikṣam ví rájāmsi dhūtayaḥ |
5.054.04c ví yád ájrāṃ ájatha náva īm yathā ví durgāṇi maruto náha riṣyatha ||
5.054.05a tát vīryam vo maruto mahitvanam dírgham tatāna súryo ná yójanam |
5.054.05c étā ná yāme ágrbhītasociṣo 'naśvadām yán ny áyātanā girím ||
5.054.06a ábhrāji śárdho maruto yád arṇasám móṣathā vṛkṣám kapanéva vedhasaḥ |
5.054.06c ádha smā no arāmatim sajośasaś cākṣur iva yántam ánu neṣathā sugám ||
5.054.07a ná sá jiyate maruto ná hanyate ná sredhati ná vyathate ná riṣyati |
5.054.07c nāsya ráya úpa dasyanti nótyāya řiṣim vā yám rájānam vā súśūdatha ||
5.054.08a niyútvanto grāmajíto yáthā náro 'ryamáno ná marútaḥ kabandhīnaḥ |
5.054.08c pínvanti útsam yád ináso ásvaran vy óndanti pṛthivím mádhvo ándhasā ||
5.054.09a pravátvatīyam pṛthiví marúbhayaḥ pravátvatí dyaúr bhavati prayádbhyaḥ |
5.054.09c pravátvatīḥ pathyā antárikṣyāḥ pravátvantaḥ párvatā jírādānavaḥ ||
5.054.10a yán marutaḥ sabharasaḥ svarṇaraḥ súrya údite mádathā divo naraḥ |
5.054.10c ná vó 'śvāḥ śrathayantāha sísrataḥ sadyó asyádhvanaḥ pāram aśnutha ||
5.054.11a ámṣeṣu va řṣṭáyah patsú khādāyo vākṣassu rukmā maruto ráthe súbhaḥ |
5.054.11c agnībhrājaso vidyúto gābhastyoḥ śíprāḥ śīrśásu vítatā hiraṇyáyīḥ ||
5.054.12a tám nákam aryó ágrbhītasociṣam rúsat píppalam maruto ví dhūnutha |
5.054.12c sám acvanta vriánātīvisanta vāt sváranti ghósam vítatam rtāvāvah ||

- 5.054.13a yuṣmā́dattasya maruto vicetaso rāyāḥ syāma rathyò váyasvataḥ |
 5.054.13c ná yó yúchati tiṣyò yáthā divò 'smé rāranta marutaḥ sahasrīṇam ||
 5.054.14a yūyám rayím maruta spārhāvīram yūyám řsim avatha sāmavipram |
 5.054.14c yūyám árvantam bharatāya vājam yūyám dhattha rájānam śruṣṭimántam ||
 5.054.15a tát vo yāmi dráviṇam sadyaūtayo yénā svàr ná tatánāma nīṃr abhí |
 5.054.15c idám sú me maruto haryatā váco yāsya tárema tárasā śatám hímāḥ ||

(409)

- 5.055.01a práyayjavo marúto bhrájadṛṣṭayo bṛhád váyo dadhire rukmávakṣasaḥ |
 5.055.01c íyante ásvaiḥ suyámebhir āsúbhiḥ śúbham yātám ánu ráthā avṛtsata ||
 5.055.02a svayám dadhidhve táviṣīm yáthā vidá bṛhán mahānta urviyá ví rájatha |
 5.055.02c utántárikṣam mamire vy ójasā śúbham yātám ánu ráthā avṛtsata ||
 5.055.03a sākám jātāḥ subhvāḥ sākám ukṣitāḥ śriyé cid ā pratarám vāvṛdhur nárah |
 5.055.03c virokīṇaḥ sūryasyeva raśmāyaḥ śúbham yātám ánu ráthā avṛtsata ||
 5.055.04a ābhūśeṇyam vo maruto mahitvanám didṛkśeṇyam sūryasyeva cákṣaṇam |
 5.055.04c utó asmāṃ amṛtatvé dadhātana śúbham yātám ánu ráthā avṛtsata ||
 5.055.05a úd īrayathā marutaḥ samudrató yūyám vṛṣṭím varṣayathā purīṣiṇaḥ |
 5.055.05c ná vo dasrā úpa dasyanti dhenávaḥ śúbham yātám ánu ráthā avṛtsata ||
 5.055.06a yád ásvān dhūrśú pṛṣatīr áyugdhvam hiraṇyáyān práty átkāṃ ámugdhvam |
 5.055.06c vísvā ít spṛdho maruto vy ásyatha śúbham yātám ánu ráthā avṛtsata ||
 5.055.07a ná párvatā ná nadyò varanta vo yátrācidhvam maruto gáchathéd u tát |
 5.055.07c utá dyāvāpṛthiví yáthanā pári śúbham yātám ánu ráthā avṛtsata ||
 5.055.08a yát pūrvyám maruto yác ca nūtanam yád udyáte vasavo yác ca śasyáte |
 5.055.08c vísvasya tásyā bhavathā návedasaḥ śúbham yātám ánu ráthā avṛtsata ||
 5.055.09a mṛlāta no maruto má vadhiṣṭanāsmábhyam śárma bahulám ví yantana |
 5.055.09c ádhi stotrāsya sakhyāsya gātana śúbham yātám ánu ráthā avṛtsata ||
 5.055.10a yūyám asmān nayata vásyo áchā nír aṃhatībhyo maruto gṛṇānāḥ |
 5.055.10c juṣádhvam no havyádātim yajatrā vayám syāma pátayo rayīṇām ||

(410)

- 5.056.01a ágne sárdhantam ā gaṇám piṣṭám rukmébhir añjībhiḥ |
 5.056.01c víso adyá marútām áva hvaye divás cid rocanád ádhi ||
 5.056.02a yáthā cin mányase hṛdá tát ín me jagmur āśásah |
 5.056.02c yé te nédiṣṭham hávanāny āgāman tān vardha bhīmásamḍṛsaḥ ||
 5.056.03a mīḥúṣmatīva pṛthiví párahātā mādanty ety asmád ā |
 5.056.03c řkṣo ná vo marutaḥ símīvāṃ ámo dudhró gaúr iva bhīmayúḥ ||
 5.056.04a ní yé riṇánty ójasā vṛthā gávo ná durdhúraḥ |
 5.056.04c ásmānam cit svaryám párvatam girím prá cyāvayanti yāmabhiḥ ||
 5.056.05a út tiṣṭha nūnám eṣām stómaiḥ sámukṣitānām |
 5.056.05c marútām purutámam ápūrvyam gávām sárgam iva hvaye ||
 5.056.06a yuṅgdhvám hy áruṣī ráthe yuṅgdhvám rátheṣu rohítaḥ |
 5.056.06c yuṅgdhvám hári ajirā dhurí vólhave váhiṣṭhā dhurí vólhave ||

- 5.056.07a utá syá vājy àruṣás tuviṣvāṅir ihá sma dhāyi darśatāḥ |
 5.056.07c mǎ vo yāmeṣu marutaś cirāṃ karat prá tām rátheṣu codata ||
 5.056.08a rátham nú mǎrutam vayām śravasyúm ā huvāmahe |
 5.056.08c ā yásmin tastaú surāṅāni bíbhraṭī sácā marútsu rodasī ||
 5.056.09a tām vaḥ śárdham ratheśúbham tveśám panasyúm ā huve |
 5.056.09c yásmin sújātā subhágā mahīyáte sácā marútsu mīlhuṣī ||

(411)

- 5.057.01a ā rudrāsa índravantaḥ sajóṣaso híraṅyarathāḥ suvitāya gantana |
 5.057.01c iyām vo asmát práti haryate matís tṛṣṇáje ná divá útsā udanyáve ||
 5.057.02a vāsīmanta rṣṭimánto manīṣiṅaḥ sudhánvāna íṣumanto niṣaṅgíṅaḥ |
 5.057.02c svásvā stha suráthāḥ pṛśnimātarāḥ svāyudhá maruto yāthanā śúbham ||
 5.057.03a dhūnuthá dyām párvatān dāsúṣe vásu ní vo vánā jihate yámano bhiyá |
 5.057.03c kopáyatha pṛthivím pṛśnimātarāḥ śubhé yád ugrāḥ pṛṣatīr áyugdhvam ||
 5.057.04a vātatiṣo marúto varśánirṇijo yamá iva súsadṛśaḥ supéśasaḥ |
 5.057.04c piśaṅgāsvā aruṅāśvā arepāsaḥ prátvakṣaso mahiná dyaúr ivorávaḥ ||
 5.057.05a purudrapsá añjimántaḥ sudānavas tveśásamdr̥šo anavabhrárādhasaḥ |
 5.057.05c sujātāso janúṣā rukmávakṣaso divó arkā amṛtam náma bhejire ||
 5.057.06a rṣṭáyo vo maruto áṃsayor ádhi sáha ójo bāhvór vo bálam hitám |
 5.057.06c nṛmṇá śīrśásv áyudhá rátheṣu vo vísvā vaḥ śrīr ádhi tanúṣu pipiṣe ||
 5.057.07a gómad ásvāvad ráthavat suvíraṃ candrávad rádho maruto dadā naḥ |
 5.057.07c práśastim naḥ kṛṇuta rudriyāso bhakṣīyá vó 'vaso daívyasya ||
 5.057.08a hayé náro máruto mṛlātā nas túvīmaghāso ámṛta ítajñāḥ |
 5.057.08c sátyaśrutaḥ kávayo yúvāno bṛhadgirayo bṛhád ukśámāṅāḥ ||

(412)

- 5.058.01a tām u nūnám táviṣīmantam eṣām stuṣé gaṅám mǎrutam návyasīnām |
 5.058.01c yá āsvāśvā ámavad váhanta utésire amṛtasya svarājāḥ ||
 5.058.02a tveśám gaṅám tavásam khādihastam dhūnivratam māyīnam dátiivāram |
 5.058.02c mayobhúvo yé ámitā mahitvá vāndasva vipra tuvirádhaso nṛn ||
 5.058.03a ā vo yantūdavāhāso adyá vṛṣṭim yé víśve marúto junánti |
 5.058.03c ayām yó agnír marutaḥ sámiddha etám juṣadhvam kavayo yuvānaḥ ||
 5.058.04a yūyám rájānam íryam jánāya vibhvataṣṭám janayathā yajatrāḥ |
 5.058.04c yuṣmád eti muṣṭihá bāhújūto yuṣmád sádaśvo marutaḥ suvíraḥ ||
 5.058.05a ará ivéd ácaramā áheva prá-pra jāyante ákavā máhobhiḥ |
 5.058.05c pṛśneḥ putrá upamāso rábhiṣṭhāḥ sváyā matyá marútaḥ sám mimikṣuḥ ||
 5.058.06a yát práyāsiṣṭa pṛṣatībhir ásvair vīlupavībhir maruto ráthebhiḥ |
 5.058.06c kṣódanta ápo riṅaté vánāny ávosríyo vṛṣabhāḥ krandatu dyaúḥ ||
 5.058.07a práthiṣṭa yáman pṛthiví cid eṣām bhárteva gárbham svám íc chávó dhuḥ |
 5.058.07c vātān hy ásvān dhury áyuyujré varśám svédam cakrire rudriyāsaḥ ||
 5.058.08a hayé náro máruto mṛlātā nas túvīmaghāso ámṛta ítajñāḥ |
 5.058.08c sátyaśrutaḥ kávayo yúvāno bṛhadgirayo bṛhád ukśámāṅāḥ ||

(413)

- 5.059.01a prá va spál akran suvitāya dāvāné 'rcā divé prá pṛthivyā ṛtām bhare |
5.059.01c ukṣānte ásvān táruṣanta ā rájō 'nu svām bhānūṃ śrathayante aṇayaíḥ ||
5.059.02a ámād eṣām bhiyāsā bhūmir ejati naúr ná pūrṇā kṣarati vyáthir yatí |
5.059.02c dūredṛśo yé citáyanta émabhir antár mahé vidáthe yetire nárah ||
5.059.03a gávām iva śriyāse śṛṅgam uttamám sūryo ná cákṣū rájaso visárjane |
5.059.03c átyā iva subhvás cāra va sthana máryā iva śriyāse cetathā narah ||
5.059.04a kó vo mahānti mahatām úd aśnavat kás kāvya marutaḥ kó ha paúṃsyā |
5.059.04c yūyám ha bhūmiṃ kirāṇam ná rejatha prá yád bháradhve suvitāya dāvāne ||
5.059.05a ásvā ivéd aruśasaḥ sábandhavaḥ śūrā iva prayúdhaḥ prótá yuyudhuḥ |
5.059.05c máryā iva suvṛdho vāvṛdhur nárah sūryasya cákṣuḥ prá minanti vṛṣṭíbhīḥ ||
5.059.06a té ajyeṣṭhā ákaniṣṭhāsa udbhídō 'madhyamāso máhasā ví vāvṛdhuḥ |
5.059.06c sujātāso janúṣa pṛṣnimātaro divó máryā ā no áchā jigātana ||
5.059.07a váyo ná yé śréñīḥ paptúr ójasāntān divó bṛhatāḥ sánunas pári |
5.059.07c ásvāsa eṣām ubháye yáthā vidúḥ prá párvatasya nabhanūṃ acucyavuḥ ||
5.059.08a mímātu dyaúr áditir vítāye naḥ sám dánucitrā uśāso yatantām |
5.059.08c ácucyavur divyám kósam etá ṛṣe rudrāsya marúto gṛṇānāḥ ||

(414)

- 5.060.01a íle agníṃ svávasam námobhir ihá prasattó ví cayat kṛtām naḥ |
5.060.01c ráthair iva prá bhare vājayádbhiḥ pradakṣiṇín marútām stómam ṛdhyām ||
5.060.02a ā yé tasthúḥ pṛṣatīṣu śrutāsu sukhéṣu rudrá marúto rátheṣu |
5.060.02c vānā cid ugrā jihate ní vo bhiyā pṛthiví cid rejate párvataś cit ||
5.060.03a párvataś cin máhi vṛddhó bibhāya divás cit sānu rejata svané vaḥ |
5.060.03c yát kríḷatha maruta ṛṣṭimánta āpa iva sadhryāñco dhavadhve ||
5.060.04a varā ivéd raivatāso híraṇyair abhí svadhābhis tanvāḥ pipísre |
5.060.04c śriyé śréyāṃsas tavāso rátheṣu satrá máhāṃsi cakrire tanúṣu ||
5.060.05a ajyeṣṭhāso ákaniṣṭhāsa eté sám bhrátaro vāvṛdhuḥ saúbhagāya |
5.060.05c yúvā pitá svápā rudrá eṣām sudúghā pṛśniḥ sudínā marúdbhyaḥ ||
5.060.06a yád uttamé maruto madhyamé vā yád vāvamé subhagāso diví ṣṭhā |
5.060.06c áto no rudrá utá vā nv àsyāgne vittād dhavíṣo yád yájāma ||
5.060.07a agnís ca yán maruto vísvavedaso divó váhadhva úttarād ádhi ṣṇúbhiḥ |
5.060.07c té mandasānā dhúnayo risādaso vāmám dhatta yájamānāya sunvaté ||
5.060.08a ágne marúdbhiḥ śubháyadbhir ṛkvabhiḥ sómam piba mandasāno gaṇaśrībhiḥ |
5.060.08c pāvakébhīr vísvaminvébhīr āyúbhir vaísvānara pradívā ketúnā sajúḥ ||

(415)

- 5.061.01a ké ṣṭhā narah śréṣṭhatamā yá éka-eka āyayá |
5.061.01c paramāsyāḥ parāvataḥ ||
5.061.02a kvā vó 'śvāḥ kvābhīśavaḥ kathám séka kathā yaya |
5.061.02c pṛṣṭhé sádo nasór yámaḥ ||

- 5.061.03a jagháne códa eṣāṃ ví saktháni náro yamuḥ |
5.061.03c putrakṛthé ná jánayaḥ ||
5.061.04a párā vīrāsa etana máryāso bhádrajānayaḥ |
5.061.04c agnitápo yáthāsatha ||
5.061.05a sánat sáśvyam paśúm utá gávyam śatāvayam |
5.061.05c śyāvāśvastutāya yá dór vīrāyopabárbrhat ||
5.061.06a utá tvā strī śásīyasī puṃsó bhavati vásyasī |
5.061.06c ádevatrād arādhāsaḥ ||
5.061.07a ví yá jānāti jásurim ví tṛṣyantam ví kāmīnam |
5.061.07c devatrā kṛṇuté mánah ||
5.061.08a utá ghā némo ástutaḥ púmāṃś ití bruve pañīḥ |
5.061.08c sá vaíradeya ít samāḥ ||
5.061.09a utá me 'rapad yuvatír mamandúṣī práti śyāvāya vartaním |
5.061.09c ví róhitā purumīlhāya yematur víprāya dīrghāyaśase ||
5.061.10a yó me dhenūnām śatām váidadaśvir yáthā dádat |
5.061.10c tarantá iva maṃhánā ||
5.061.11a yá im váhanta āśúbhiḥ píbanto madirám mádhu |
5.061.11c átra śrāvāṃsi dadhire ||
5.061.12a yéśāṃ śriyādhi ródasī vibhrājante rátheśv ā |
5.061.12c diví rukmá ivopári ||
5.061.13a yúvā sá māruto gaṇás tveśárho ánedyaḥ |
5.061.13c śubhamyāvāpratiṣkutaḥ ||
5.061.14a kó veda nūnām eṣāṃ yátrā mádanti dhūtayaḥ |
5.061.14c ṛtājātā arepāsaḥ ||
5.061.15a yūyám mártam vipanyavaḥ praṇetāra itthā dhiyá |
5.061.15c śrótāro yāmahūtiṣu ||
5.061.16a té no vásūni kāmā puruścandrā riśādasah |
5.061.16c ā yajñiyāso vavṛttana ||
5.061.17a etám me stómam ūrmye dārbhyāya párā vaha |
5.061.17c gíro devi rathír iva ||
5.061.18a utá me vocatād ítí sutásome ráthavītau |
5.061.18c ná kámo ápa veti me ||
5.061.19a eśá kṣeti ráthavītir maghāvā gómatír ánu |
5.061.19c párvateṣv ápaśritaḥ ||

(416)

- 5.062.01a ṛténa ṛtám ápihitam dhruvám vām sūryasya yátra vimucánty áśvān |
5.062.01c dáśa śatá sahá tasthus tád ékam devānām śréṣṭham vápuṣām apaśyam ||
5.062.02a tát sú vām mitrávaruṇā mahitvám írmā tasthúṣīr áhabhir duduhre |
5.062.02c víśvāḥ pinvathaḥ svásarasya dhénā ánu vām ékaḥ pavír ā vavarta ||
5.062.03a ádhārayatam pṛthivím utá dyām mítrarājānā varuṇā máhobhiḥ |
5.062.03c vardháyatam ośadhīḥ pínvataṃ gá áva vṛṣṭím srjataṃ jīradānū ||
5.062.04a ā vām áśvāsaḥ suyújo vahantu yatáraśmaya úpa yantv arvāk |
5.062.04c ohrtasva nírniś ánu vartate vām úna síndhavah pradívi ksaranti ||

- 5.062.05a ánu śrutām amātiṃ vārdhad urvīm barhír iva yájuṣā rākṣamāṇā |
 5.062.05c nāmasvantā dhṛtadaḥśādhi gārte mītrāsāthe varuṇé|āsv antāḥ ||
 5.062.06a ákravīhastā sukṛte paraspā yāṃ trāsāthe varuṇé|āsv antāḥ |
 5.062.06c rájānā kṣatrām áhr̥ṇīyamānā sahásrasthūṇam bibhr̥thaḥ sahā dvaú ||
 5.062.07a hīraṇyanir̥ṇig áyo asya sthūṇā ví bhr̥jate divy áśvājanīva |
 5.062.07c bhadré kṣétre nímitā tūlvile vā sanéma mádhvo ádhigartyasya ||
 5.062.08a hīraṇyarūpam uśāso vyóṣṭāv áyasthūṇam úditā sūryasya |
 5.062.08c á rohatho varuṇa mitra gārtam átaś caksāthe áditim dītim ca ||
 5.062.09a yád bām̐hiṣṭham nātvídhe sudānū áchidram śárma bhuvanasya gopā |
 5.062.09c téna no mītrāvaruṇāv aviṣṭam síśāsanto jigīvāmsaḥ syāma ||

(417)

- 5.063.01a ṛtasya gopāv ádhi tiṣṭhatho rátham sátyadharmāṇā paramé vyòmani |
 5.063.01c yām átra mītrāvaruṇāvatho yuvām tásmāi vṛṣṭír mádhumat pinvate divāḥ ||
 5.063.02a samrājāv asyá bhúvanasya rájatho mītrāvaruṇā vidáthe swardīśā |
 5.063.02c vṛṣṭim vām rádho amṛtatvām īmahe dyāvāpṛthiví ví caranti tanyávaḥ ||
 5.063.03a samrājā ugrā vṛṣabhā divás páti pṛthivyā mītrāvāruṇā vícarsaṇī |
 5.063.03c citrébhir abhraír úpa tiṣṭhatho rávam dyām varṣayatho ásurasya māyáyā ||
 5.063.04a māyā vām mītrāvaruṇā diví śritā sūryo jyótiś carati citrām áyudham |
 5.063.04c tám abhréṇa vṛṣṭyā gūhatho diví párijanya drapsā mádhumanta īrate ||
 5.063.05a rátham yuñjate marútaḥ śubhé sukhām sūro ná mītrāvaruṇā gáviṣṭiṣu |
 5.063.05c rájāmsi citrá ví caranti tanyávo divāḥ samrājā páyasā na ukṣatam ||
 5.063.06a vācam sú mītrāvaruṇāv íravātīm parjányas citrām vadati tvíṣīmatīm |
 5.063.06c abhrá vasata marútaḥ sú māyáyā dyām varṣayatam aruṇām arepásam ||
 5.063.07a dhármaṇā mītrāvaruṇā vipāscitā vratā rakṣethe ásurasya māyáyā |
 5.063.07c ṛténa vísvam bhúvanam ví rájathaḥ sūryam á dhattho diví cítryam rátham ||

(418)

- 5.064.01a váruṇam vo riśádasam ṛcā mītrām havāmahe |
 5.064.01c pári vrajéva bāhvór jaganvāmsā svāṇaram ||
 5.064.02a tá bāhāvā sucetúnā prá yantam asmā árcate |
 5.064.02c śévam hí jāryām vām vísvāsu kṣásu jóguve ||
 5.064.03a yán nūnám ásýām gátim mītrāsya yāyām pathā |
 5.064.03c ásyā priyāsya śármany áhimsānasya saścire ||
 5.064.04a yuvābhyām mītrāvaruṇopamām dheyām ṛcā |
 5.064.04c yád dha kṣáye maghónām stotīṇām ca spūrdháse ||
 5.064.05a á no mitra sudītíbhīr váruṇas ca sadhástha á |
 5.064.05c své kṣáye maghónām sákhīnām ca vṛdháse ||
 5.064.06a yuvām no yéṣu varuṇa kṣatrām br̥hác ca bibhr̥tháh |
 5.064.06c urú ṇo vājasātaye kṛtām rāyé svastáye ||
 5.064.07a uchántyām me yajatā devákṣatre rúsadgavi |
 5.064.07c sutām sómam ná hastíbhīr á padbhír dhāvataṃ narā bíbhratāv arcanānasam ||

(419)

- 5.065.01a yás cikéta sá sukrátur devatrā́ sá bravītu naḥ |
5.065.01c váruṇo yásya darśató mitró vā vánate gírah ||
5.065.02a tá hí śréṣṭhavarcaṣā rājānā́ dīrghaśrúttamā |
5.065.02c tá sátpatī́ ṛtāvī́dha ṛtāvānā́ jáne-jane ||
5.065.03a tá vām iyā́nó 'vase pūrvā́ úpa bruve sácā |
5.065.03c svásvāsaḥ sū cetúnā́ vājāṃ abhí prá dāvāne ||
5.065.04a mitró aṃhós cid ā́d urú kṣáyāya gātúṃ vanate |
5.065.04c mitrásya hí pratūrvataḥ sumatír ásti vidhatāḥ ||
5.065.05a vayám mitrásyāvāsi syā́ma sapráthastame |
5.065.05c anehásas tvótayaḥ satrá́ váruṇaśeṣasaḥ ||
5.065.06a yuvám mitremám jánaṃ yátathaḥ sám ca nayathaḥ |
5.065.06c má maghónaḥ pári khyatam mó asmākam ṛṣīṇāṃ gopī́thé na uruṣyatam ||

(420)

- 5.066.01a á cikitāna sukrátū devaú marta riśā́dasā |
5.066.01c váruṇāya ṛtāpeśase dadhītá práyase mahé ||
5.066.02a tá hí kṣatrám ávihrutam samyág asuryām á́sāte |
5.066.02c ádha vratéva mánuṣam svār ná dhāyi darśatám ||
5.066.03a tá vām éṣe ráthānām urvīm gávyūtim eṣām |
5.066.03c rātāhavyasya suṣtutím dadhík stómair manāmahe ||
5.066.04a ádhā hí kāvya yuvám dáksasya pūrbhír adbhutā |
5.066.04c ní ketúnā́ jánānām cikéthe pū́tadakṣasā ||
5.066.05a tád ṛtám pṛthivi bṛhác chravaeśá ṛṣīṇām |
5.066.05c jrayasā́nāv áram pṛthv áti kṣaranti yāmabhiḥ ||
5.066.06a á yád vām iyacakṣasā́ mítra vayám ca sūrāyaḥ |
5.066.06c vyáciṣṭhe bahupā́yve yátemahi svarā́jye ||

(421)

- 5.067.01a báḷ itthá deva niṣkṛtám á́dityā yajatám bṛhát |
5.067.01c váruṇa mītrā́ryaman vársiṣṭhaṃ kṣatrám á́sāthe ||
5.067.02a á yád yónim hiraṇyáyaṃ váruṇa mítra sádathaḥ |
5.067.02c dhartā́rā carṣaṇī́nām yantám sumnám riśā́dasā ||
5.067.03a víṣve hí víśvávedaso váruṇo mitró aryamá |
5.067.03c vratá padéva saścire pánti mártyaṃ riśāḥ ||
5.067.04a té hí satyá́ ṛtaspŕśa ṛtāvāno jáne-jane |
5.067.04c sunī́thāsaḥ sudā́navo 'mḥós cid urucákrayaḥ ||
5.067.05a kó nú vām mitrástuto váruṇo vā tanū́nām |
5.067.05c tát sū vām éṣate matír á́tribhya éṣate matíḥ ||

(422)

- 5.068.01a prá vo mitráya gāyata váruṇāya vipā girā |
5.068.01c máhikṣatrāv ṛtám bṛhát ||
5.068.02a samrājā yā ghṛtāyonī mitrás cobhā váruṇás ca |
5.068.02c devā devéṣu praśastā ||
5.068.03a tā naḥ śaktam pāṛthivasya mahó rāyó divyāsya |
5.068.03c máhi vāṃ kṣatráṃ devéṣu ||
5.068.04a ṛtám ṛténa sápanteṣirám dáḳṣam āśāte |
5.068.04c adruhā devau vardhete ||
5.068.05a vṛṣṭidyāvā rītyāpeśás pátī dānumatyāḥ |
5.068.05c bṛhántaṃ gártam āśāte ||

(423)

- 5.069.01a trí rocanā varuṇa trīm̐r utá dyūn trīṇi mitra dhārayatho rájāṃsi |
5.069.01c vāvṛdhānāv amátim kṣatríyasyānu vratám rákṣamāṇāv ajuryám ||
5.069.02a írāvatīr varuṇa dhenávo vāṃ mádhumad vāṃ síndhavo mitra duhre |
5.069.02c tráyas tasthur vṛṣabhásas tisṛṇām dhiśāṇānām retodhā ví dyumántaḥ ||
5.069.03a prátár devīm̐ áditim johavīmi madhyāṃdina úditā sūryasya |
5.069.03c rāyé mitrávaruṇā sarvátátēle tokāya tánayāya sám yóḥ ||
5.069.04a yā dhartārā rájaso rocanásyotādityā divyā pāṛthivasya |
5.069.04c ná vāṃ devā amítā ā minanti vratāni mitrávaruṇā dhruvāṇi ||

(424)

- 5.070.01a purūruṇā cid dhy ásty ávo nūnám vāṃ varuṇa |
5.070.01c mítra váṃsi vāṃ sumatím ||
5.070.02a tā vāṃ samyág adruhvāṇéṣam aśyāma dhāyase |
5.070.02c vayám té rudrā syāma ||
5.070.03a pátám no rudrā pāyúbhir utá tráyethām sutrátrā |
5.070.03c turyāma dásyūn tanúbhiḥ ||
5.070.04a má kásyādbhutakratū yakṣám bhujemā tanúbhiḥ |
5.070.04c má śéśasā má tánasā ||

(425)

- 5.071.01a ā no gantaṃ risādasā váruṇa mítra barhāṇā |
5.071.01c úpemám cārum adhvarám ||
5.071.02a vísvasya hí pracetasā váruṇa mítra rájathaḥ |
5.071.02c īśāná pipyataṃ dhíyaḥ ||
5.071.03a úpa naḥ sutám ā gataṃ váruṇa mítra dāsúṣaḥ |
5.071.03c asyá sómasya pítāye ||

(426)

- 5.072.01a á mitré váruṇe vayám gīrbhír juhumo atrivát |
 5.072.01c ní barhíṣi sadataṃ sómapītaye ||
 5.072.02a vraténa stho dhruvákṣemā dhármaṇā yātayájjanā |
 5.072.02c ní barhíṣi sadataṃ sómapītaye ||
 5.072.03a mitrás ca no váruṇás ca juṣétāṃ yajñám iṣṭāye |
 5.072.03c ní barhíṣi sadatāṃ sómapītaye ||

(427)

- 5.073.01a yád adyá stháh parāvátí yád arvāváty aśvinā |
 5.073.01c yád vā purú purubhujā yád antárikṣa á gatam ||
 5.073.02a ihá tyá purubhūtama purú dáṃsāṃsi bíbhratā |
 5.073.02c varasyá yāmy ádhriḡū huvé tuvíṣṭamā bhujé ||
 5.073.03a īrmānyád vápuṣe vápuś cakráṃ ráthasya yemathuḡ |
 5.073.03c páry anyá náhuṣā yugá mahná rájāṃsi dīyathaḡ ||
 5.073.04a tád ū śú vām ená kṛtāṃ víśvā yád vām ánu ṣṭāve |
 5.073.04c nānā jātāv arepāsā sám asmé bándhum éyathuḡ ||
 5.073.05a á yád vām sūryá rátham tíṣṭhad raghuṣyádam sádā |
 5.073.05c pári vām aruṣá váyo ghrṇá varanta átápaḡ ||
 5.073.06a yuvór átriś ciketati nárā sumnéna cétaśā |
 5.073.06c gharmám yád vām arepāsaṃ nāsatyāsná bhuraṇyáti ||
 5.073.07a ugró vām kakuhó yayíḡ ṣṛṇvé yāmeṣu saṃtaníḡ |
 5.073.07c yád vām dáṃsobhir aśvinátrir narāvavártati ||
 5.073.08a mádhva ū śú madhūyuvā rúdrā síśakti pipyúśī |
 5.073.08c yát samudrāti pársathaḡ pakvāḡ pṛkṣo bharanta vām ||
 5.073.09a satyám íd vā u aśvinā yuvám āhur mayobhúvā |
 5.073.09c tá yáman yāmahūtama yámann á mṛlayáttamā ||
 5.073.10a imá bráhmāṇi várdhanāśvībhyāṃ santu sámṭamā |
 5.073.10c yá tákṣama ráthāṃ ivāvocāma bṛhán námaḡ ||

(428)

- 5.074.01a kúṣṭho devāv aśvinādyá divó manāvasū |
 5.074.01c tác chravatho vṛṣaṇvasū átrir vām á vivāsati ||
 5.074.02a kúha tyá kúha nú śrutá diví devá nāsatyā |
 5.074.02c kásminn á yatatho jáne kó vām nadínāṃ sácā ||
 5.074.03a kám yáthaḡ kám ha gachathaḡ kám áchā yuñjāthe rátham |
 5.074.03c kásya bráhmāṇi raṇyatho vayám vām uśmasíṣṭāye ||
 5.074.04a pauraṃ cid dhy ódaprútam paúra pauraýa jínvathaḡ |
 5.074.04c yád ím gṛbhītátāyē simhám iva druhás padé ||
 5.074.05a prá cyávānāj jujurúšo vavrim átkam ná muñcathaḡ |
 5.074.05c yúvā yádī kṛtháḡ púnar á kámam ṛṇve vadhvāḡ ||
 5.074.06a ásti hí vām ihá stotá smási vām saṃdṛśi śriyé |
 5.074.06c nú śrutám ma á gatam ávobhir vājínivasū ||

- 5.074.07a kó vām adyá purūṇām ā vavne mártýānām |
 5.074.07c kó vípro vipravāhasā kó yajñair vājinīvasū ||
 5.074.08a ā vām rátho ráthānām yéṣtho yātv aśvinā |
 5.074.08c purū cid asmayús tirá āngūṣó mártýeṣv ā ||
 5.074.09a śám ū śú vām madhūyuvāsmākam astu carkr̥t̥iḥ |
 5.074.09c arvācīnā vicetasā víbhiḥ śyenéva dīyatam ||
 5.074.10a aśvinā yád dha kárhi cic chuśrūyātam imám hávam |
 5.074.10c vásvīr ū śú vām bhújaḥ p̥r̥ncānti sū vām p̥r̥caḥ ||

(429)

- 5.075.01a práti priyátamaḥ rátham v̥ṣaṇam vasuvāhanam |
 5.075.01c stotā vām aśvināv ṛṣi stómena práti bhūṣati mádhvī máma śrutam hávam ||
 5.075.02a atyāyātam aśvinā tiró víśvā ahám sánā |
 5.075.02c dásrā híraṇyavartanī súṣumnā síndhuvāhasā mádhvī máma śrutam hávam ||
 5.075.03a ā no rátnāni bíbhratāv aśvinā gáchatam yuvám |
 5.075.03c rúdrā híraṇyavartanī juṣāṇā vājinīvasū mádhvī máma śrutam hávam ||
 5.075.04a suṣtúbho vām v̥ṣaṇvasū ráthe vāñicy áhitā |
 5.075.04c utá vām kakuhó m̥rgáḥ p̥r̥kṣaḥ k̥ṛnoti vāpuṣó mádhvī máma śrutam hávam ||
 5.075.05a bodhínmanasā rathyāṣirā havanaśrútā |
 5.075.05c víbhiś cyāvānam aśvinā ní yātho ádvayāvinam mádhvī máma śrutam hávam ||
 5.075.06a ā vām narā manoyújo 'śvāsaḥ pruṣitápsavaḥ |
 5.075.06c váyo vahantu pītáye sahá sumnébhir aśvinā mádhvī máma śrutam hávam ||
 5.075.07a aśvināv éhá gachataḥ nāsatyā má ví venatam |
 5.075.07c tirás cid aryayá pári vartír yātam adābhyā mádhvī máma śrutam hávam ||
 5.075.08a asmín yajñé adābhyā jaritāram śubhas patī |
 5.075.08c avasyúm aśvinā yuvám gr̥ṇāntam úpa bhūṣatho mádhvī máma śrutam hávam ||
 5.075.09a ábhūd uṣá rúsatpaśur āgnír adhāy r̥tvíyaḥ |
 5.075.09c áyoji vām v̥ṣaṇvasū rátho dasrāv ámartyo mádhvī máma śrutam hávam ||

(430)

- 5.076.01a ā bhāty agnír uṣásām ánīkam úd víprāṇām devayá vāco asthuḥ |
 5.076.01c arvāncā nūnám rathyehá yātam p̥īpivāmsam aśvinā gharmám ácha ||
 5.076.02a ná saṃsk̥rtám prá mimīto gāmiṣthānti nūnám aśvínópastutehá |
 5.076.02c dívābhipitvé 'vasāgamiṣthā práty ávartim dāsúṣe sámbhaviṣthā ||
 5.076.03a utá yātam saṃgavé p̥rātár áhno madhyāmdina úditā sūryasya |
 5.076.03c dívā náktam ávasā sámptamena nédānīm pītír aśvínā tatāna ||
 5.076.04a idám hí vām pradīvi sthānam óka imé gr̥hā aśvinedám duroṇám |
 5.076.04c ā no dívó b̥r̥hatáḥ párvatād ádbhyó yātam íṣam ūrjam váhantā ||
 5.076.05a sám aśvínor ávasā nūtanena mayobhúvā supráñitī gamema |
 5.076.05c ā no rayim vahatam ótá vīrān ā víśvāny amṛtā saúbhagāni ||

(431)

- 5.077.01a prātaryāvāṇā prathamā yajadhvam purā gṛdhrād áraruṣaḥ pibātaḥ |
 5.077.01c prātár hí yajñám aśvínā dadhāte prá śamsanti kaváyaḥ pūrvabhājaḥ ||
 5.077.02a prātár yajadhvam aśvínā hinota ná sáyám asti devayá ájuṣtam |
 5.077.02c utányó asmád yajate ví cávaḥ pūrvah-pūrvó yájamāno vánīyān ||
 5.077.03a híraṇyatvañ mádhvarṇo ghṛtásnuḥ pṛkṣo váhann á rátho vartate vām |
 5.077.03c mánojavā aśvinā vátaramhā yénātiyāthó duritāni víśvā ||
 5.077.04a yó bhūyiṣṭhaṃ nāsatyābhyāṃ vivéṣa cániṣṭham pitvó rárate vibhāgé |
 5.077.04c sá tokám asya pīparac chámībhir ánūrdhvhabhāsaḥ sádám ít tuturyāt ||
 5.077.05a sám aśvínor ávasā nūtanena mayobhúvā supráñīti gamema |
 5.077.05c á no rayīm vahatam ótá vīrān á víśvāny amṛtā saúbhagāni ||

(432)

- 5.078.01a aśvināv éhá gachataṃ nāsatyā má ví venatam |
 5.078.01c haṃsāv iva patatam á sutám úpa ||
 5.078.02a aśvinā hariṇāv iva gaurāv ivānu yávasam |
 5.078.02c haṃsāv iva patatam á sutám úpa ||
 5.078.03a aśvinā vājinīvasū juṣéthāṃ yajñám iṣṭāye |
 5.078.03c haṃsāv iva patatam á sutám úpa ||
 5.078.04a átrir yád vām avaróhann ṛbīsam ájohavīn nádhamāneva yóṣā |
 5.078.04c śyenásya cij jávasā nūtanenāgachataṃ aśvinā sámṭamena ||
 5.078.05a ví jihīṣva vanaspate yóniḥ sūśyantyā iva |
 5.078.05c śrutám me aśvinā hávaṃ saptávdhriṃ ca muñcatam ||
 5.078.06a bhītāya nádhamānāya řṣaye saptávdhrye |
 5.078.06c māyābhir aśvinā yuvám vṛkṣám sám ca ví cācathaḥ ||
 5.078.07a yáthā vātaḥ puṣkarīṇīm samingáyati sarvátaḥ |
 5.078.07c evá te gárbha ejatu niraítu dásamāsyāḥ ||
 5.078.08a yáthā vāto yáthā vānaṃ yáthā samudrá éjati |
 5.078.08c evá tvám daśamāsyā sahāvehi jarāyuṇā ||
 5.078.09a dása māsāñ chaśayānáḥ kumāró ádhi mātári |
 5.078.09c niraítu jīvó ákṣato jīvó jīvantyā ádhi ||

(433)

- 5.079.01a mahé no adyá bodhayóṣo rāyé divítmatī |
 5.079.01c yáthā cin no ábodhayaḥ satyáśravasi vāyyé sújāte aśvasūnrte ||
 5.079.02a yá sunīthé śaucadrathé vy áucho duhitar divaḥ |
 5.079.02c sá vy ócha sáhīyasi satyáśravasi vāyyé sújāte aśvasūnrte ||
 5.079.03a sá no adyābharádvāsur vy óchā duhitar divaḥ |
 5.079.03c yó vy áuchaḥ sáhīyasi satyáśravasi vāyyé sújāte aśvasūnrte ||
 5.079.04a abhí yé tvā vibhāvari stómair grṇānti váhnayaḥ |
 5.079.04c maghaír maghoni suśríyo dámanvantaḥ surátáyaḥ sújāte aśvasūnrte ||
 5.079.05a yác cid dhí te gaṇā imé chadáyanti maghátṭaye |
 5.079.05c pári cid váṣṭayo dadhur dádato rádhó áhrayaṃ sújāte aśvasūnrte ||
 5.079.06a aīṣu dhā vīrávad yása úṣo maghoni sūrīṣu |

- 5.079.06c yé no rádhāṃsy áhrayā maghāvāno árāsata sújāte áśvasūṅṛte ||
 5.079.07a tébhyo dyumnám bṛhád yása úṣo maghony á vaha |
 5.079.07c yé no rádhāṃsy áśvyā gavyā bhájanta sūrāyaḥ sújāte áśvasūṅṛte ||
 5.079.08a utá no gómatīr íṣa á vahā duhitar divaḥ |
 5.079.08c sākām sūryasya raśmībhiḥ śukraīḥ śócadbhir arcībhiḥ sújāte áśvasūṅṛte ||
 5.079.09a vy óchā duhitar divo mā cirām tanuthā ápaḥ |
 5.079.09c nét tvā stenám yáthā ripúm tápāti sūro arcīṣā sújāte áśvasūṅṛte ||
 5.079.10a etāvad véd uṣas tvám bhūyo vā dātum arhasi |
 5.079.10c yá stotṛbhyo vibhāvāry uchántī ná pramīyase sújāte áśvasūṅṛte ||

(434)

- 5.080.01a dyutádyāmānam bṛhatīm ṛténa ṛtāvarīm aruṇápsuṃ vibhātīm |
 5.080.01c devīm uṣasaṃ svār āvāhantīm práti víprāso matībhir jarante ||
 5.080.02a eṣā jánaṃ darśatā bodháyantī sugān patháḥ kṛṇvatī yāty ágre |
 5.080.02c bṛhadrathā bṛhatī viśvaminvóṣā jyótir yachaty ágre áhnām ||
 5.080.03a eṣā góbhīr aruṇébhīr yujānāsredhantī rayīm áprāyu cakre |
 5.080.03c pathó rádantī suvitāya devī puruṣtutā viśvāvārā ví bhāti ||
 5.080.04a eṣā vyānī bhavati dvibárhā āviṣkṛṇvānā tanvām purástāt |
 5.080.04c ṛtāsya pánthām ánv eti sādhuḥ prajānatīva ná díso mināti ||
 5.080.05a eṣā śubhrā ná tanvò vidānórdhvéva snātī dṛśāye no asthāt |
 5.080.05c ápa dvéso bādhamānā támāṃsy uṣā divó duhitā jyótiśágāt ||
 5.080.06a eṣā pratīcī duhitā divó nṛṇ yóṣeva bhadrā ní riṇite ápsaḥ |
 5.080.06c vyūṅṇvatī dāśuṣe vāryāṇi púnar jyótir yuvatīḥ pūrváthākaḥ ||

(435)

- 5.081.01a yuñjāte mána utá yuñjate dhīyo víprā víprasya bṛható vipaścítaḥ |
 5.081.01c ví hótṛā dadhe vayunāvíd éka ín mahī devásya savitúḥ páriṣtutiḥ ||
 5.081.02a vísvā rūpāṇi práti muñcate kavīḥ práśāvíd bhadrām dvipáde cátuṣpade |
 5.081.02c ví nākam akhyat savitā váreṇyó 'nu prayāṇam uṣáso ví rájati ||
 5.081.03a yásya prayāṇam ánv anyá íd yayúr devā devásya mahimānam ójasā |
 5.081.03c yáḥ pāṛthivāni vimamé sá étašo rájāṃsi deváḥ savitā mahitvanā ||
 5.081.04a utá yāsi savitas tríṇi rocanótā sūryasya raśmībhiḥ sám ucyasi |
 5.081.04c utá rátrīm ubhayátaḥ páriyasa utá mitró bhavasi deva dhármabhiḥ ||
 5.081.04a utéśiṣe prasavásya tvám éka íd utá pūṣā bhavasi deva yāmabhiḥ |
 5.081.04c utédám vísvam bhúvanaṃ ví rájasi śyāvásvas te savita stómam ānaše ||

(436)

- 5.082.01a tát savitúr vṛṇīmahe vayām devásya bhójanam |
 5.082.01c śréṣṭham sarvadhátamaṃ túram bhágasya dhīmahi ||
 5.082.02a ásyā hí sváyaśastaram savitúḥ kác caná priyám |
 5.082.02c ná minánti svarājyam ||

- 5.082.03a sá hí rátnāni dāśúṣe suvāti savitā bhágaḥ |
 5.082.03c tám bhāgāṃ citrām īmahe ||
 5.082.04a adyā no deva savitaḥ prajāvat sāvīḥ saúbhagam |
 5.082.04c párá duṣvápnyam suva ||
 5.082.05a víśvāni deva savitar duritāni párá suva |
 5.082.05c yád bhadráṃ tán na ā suva ||
 5.082.06a ánāgaso áditaye devásya savitúḥ savé |
 5.082.06c víśvā vāmāni dhīmahi ||
 5.082.07a ā víśvádevaṃ sátpatiṃ sūktaír adyā vṛñīmahe |
 5.082.07c satyāsavaṃ savitāram ||
 5.082.08a yá imé ubhé áhanī purá éty áprayuchan |
 5.082.08c svādhír deváḥ savitā ||
 5.082.09a yá imā víśvā jātāny āśrāváyati ślókena |
 5.082.09c prá ca suvāti savitā ||

(437)

- 5.083.01a áchā vada tavásaṃ gīrbhír ābhí stuhí parjányam námasā vivāsa |
 5.083.01c kánikradad vṛṣabhó jīrádānū réto dadhāty ośadhīṣu gárbham ||
 5.083.02a ví vṛkṣān hantya utá hanti rakṣāso víśvam bibhāya bhúvanam mahāvadhāt |
 5.083.02c utānāgā īṣate vṛṣnyāvato yát parjánya stanáyan hānti duṣkṛtaḥ ||
 5.083.03a rathíva kásayáśvāñ abhikṣipánn āvir dūtān kṛṇute varṣyāñ áha |
 5.083.03c dūrāt simhásya stanáthā úd īrate yát parjanyaḥ kṛṇuté varṣyaṃ nábhah ||
 5.083.04a prá vātā vānti patáyanti vidyúta úd ośadhír jíhate pínvate svàḥ |
 5.083.04c írā víśvasmai bhúvanāya jāyate yát parjanyaḥ pṛthivīm rétasāvati ||
 5.083.05a yásya vraté pṛthiví nānnamīti yásya vraté śaphāvaj járbhurīti |
 5.083.05c yásya vratá ośadhír víśvárūpāḥ sá naḥ parjanya máhi śárma yacha ||
 5.083.06a divó no vṛṣṭim maruto rarīdhvam prá pinvata vṛṣṇo ásvasya dhārāḥ |
 5.083.06c arvāñ eténa stanayitnúnéhy apó niṣiñcānn ásurah pitá naḥ ||
 5.083.07a abhí kranda stanáya gárbham ā dhā udanvātā pári dīyā ráthena |
 5.083.07c dṛtiṃ sú karṣa víṣitam nyāñcam samā bhavantūdváto nipādāḥ ||
 5.083.08a mahāntaṃ kósam úd acā ní śiñca syándantāṃ kulyā víṣitāḥ purástāt |
 5.083.08c ghṛténa dyāvāpṛthiví vy óndhi suprapāṇám bhavatv aghnyābhyaḥ ||
 5.083.09a yát parjanya kánikradat stanáyan háṃsi duṣkṛtaḥ |
 5.083.09c prátidám víśvam modate yát kíṃ ca pṛthivyām ádhi ||
 5.083.10a ávarṣír varṣám úd u śú gṛbhāyákar dhánvāny átyetavá u |
 5.083.10c ájijana ośadhír bhójanāya kám utá prajābhyo 'vido manīṣām ||

(438)

- 5.084.01a bál itthā párvatānām khidrám bibharṣi pṛthivi |
 5.084.01c prá yá bhúmim pravatvati mahnā jinóṣi mahini ||
 5.084.02a stómāsas tvā vicāriṇi práti ṣṭobhanty aktúbhiḥ |
 5.084.02c prá yá vājam ná héṣantam perúm ásyasy arjuni ||

5.084.03a ḍṛḷhā cid yā vānaspātīn kṣmayā dārdharsy ójasā |
5.084.03c yāt te abhrāsya vidyúto divó várṣanti vṛṣṭáyah ||

(439)

5.085.01a prá samrāje bṛhád arcā gabhīrām bráhma priyám váruṇāya śrutāya |
5.085.01c ví yó jaghāna śamitéva cármopastīre pṛthivīm sūryāya ||
5.085.02a vāneṣu vy àntárikṣam tatāna vājam árvatsu páya usríyāsu |
5.085.02c hr̥tsú krátum váruṇo apsv àgnīm diví sūryam adadhāt sómam ádrau ||
5.085.03a nīcīnabāraṃ váruṇah kāvandham prá sasarja ródasī antárikṣam |
5.085.03c téna víśvasya bhúvanasya rájā yávaṃ ná vṛṣṭír vy ónatti bhúma ||
5.085.04a unátti bhúmim pṛthivīm utá dyām yadá dugdhám váruṇo váṣṭy ád ít |
5.085.04c sám abhréna vasata párvatāsas taviṣīyántah śrathayanta vīrāḥ ||
5.085.05a imām ū ṣv àsurāsya śrutāsya mahīm māyām váruṇasya prá vocam |
5.085.05c máneneva tasthivām antárikṣe ví yó mamé pṛthivīm sūryeṇa ||
5.085.06a imām ū nú kavítamasya māyām mahīm devāsya nákir ā dadharṣa |
5.085.06c ékaṃ yád udnā ná pṛnānty énīr āsiñcántīr avánayaḥ samudrām ||
5.085.07a aryamyām varuṇa mitryām vā sákhāyam vā sádama íd bhrátaram vā |
5.085.07c veśám vā nityām varuṇāraṇam vā yāt sīm āgaś cakṛmā śísráthas tát ||
5.085.08a kitavāso yád riripúr ná diví yád vā ghā satyām utá yán ná vidmā |
5.085.08c sárva tá ví ṣya śithiréva devādhā te syāma varuṇa priyāsah ||

(440)

5.086.01a índrāgnī yám ávatha ubhā vājeṣu mártiyam |
5.086.01c ḍṛḷhā cit sá prá bhedati dyumnā vāñīr iva tritáh ||
5.086.02a yā pṛtanāsu duṣṭārā yā vājeṣu śravāyā |
5.086.02c yā páñca carṣañīr abhīndrāgnī tá havāmahe ||
5.086.03a táyor íd ámavac chāvas tigmā didyún maghónoh |
5.086.03c práti drūṇā gábhastyor gávām vṛtraghnā éṣate ||
5.086.04a tá vām éṣe ráthānām indrāgnī havāmahe |
5.086.04c pátī turāsya rádhaso vidvāmsā gírvaṇastamā ||
5.086.05a tá vṛdhántāv ánu dyún mártāya devāv adábhā |
5.086.05c árhantā cit puró dadhé 'mṣeva devāv árvate ||
5.086.06a evéndrāgnībhyām áhāvi havayām sūṣyām ghṛtām ná pūtām ádribhiḥ |
5.086.06c tá sūrīṣu śrávo bṛhád rayīm gr̥nātsu didhṛtam íṣam gr̥nātsu didhṛtam ||

(441)

5.087.01a prá vo mahé matáyo yantu víṣnave marútvate girijá evayāmarut |
5.087.01c prá śárdhāya práyajyave sukhādāye tavāse bhandádiṣṭaye dhúnivratāya śávase ||
5.087.02a prá yé jātā mahinā yé ca nú svayám prá vidmánā bruváta evayāmarut |
5.087.02c krátvā tát vo maruto nādhīṣe śávo dānā mahnā tát eṣām ádhṛṣṭāso nādrayaḥ ||
5.087.03a prá yé divó bṛhatáh śṛṇvire girā suśúkvānah subhvā evayāmarut |
5.087.03c ná yéṣām írī sadhástha íṣṭa āñ agnāyo ná svávidyutah prá syandrāso dhúnīnām ||

- 5.087.04a sá cakrame maható nír urukramáḥ samānāsmāt sádasa evayāmarut |
5.087.04c yadāyukta tmánā svād ādhi ṣṇúbhir víṣpardhaso vímahaso jígāti sévṛdho nṛbhiḥ ||
5.087.05a svanó ná vó 'mavān rejayad vṛṣā tveṣó yayís taviṣá evayāmarut |
5.087.05c yénā sáhanta ṛñjáta svárociṣa sthāraśmāno hiranyáyāḥ svāyudhāsa iṣmíṇaḥ ||
5.087.06a apāro vo mahimā vṛddhaśavasas tveṣám śávo 'vatv evayāmarut |
5.087.06c sthātāro hí prásitau samdr̥śi sthána té na uruṣyatā nidáḥ śúśukvāṃso nágnāyaḥ ||
5.087.07a té rudrásah súmakhā agnáyo yathā tuvidyumnā avantv evayāmarut |
5.087.07c dīrghám pṛthú paprathe sádma pārhivam yéṣām ájmeṣv á maháḥ sárdhāmsy
ádbhutainasām ||
5.087.08a adveṣó no maruto gātúm étana śrótā hávam jaritúr evayāmarut |
5.087.08c víṣṇor maháḥ samanyavo yuyotana smád rathyò ná damsánāpa dvéṣāmsi sanutáḥ ||
5.087.09a gántā no yajñám yajñiyāḥ suśámi śrótā hávam arakṣá evayāmarut |
5.087.09c jyéṣṭhāso ná párvatāso vyòmani yūyám tásya pracetasah syāta durdhártavo nidáḥ ||